

## **Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut**

UAGUT MARGRETHE AAPPAAT, Guutip Saammaanneranik Danmarkip Dronningia, nalunaar-pugut:

Sulisilluni ajoqusersinnaanermut isumannaarineq pillugu inatsimmi, tak. inatsimmik nalunaarut nr. 154, 7. marts 2006-imeersoq, § 90 naapertorlugu aalajangersarneqarpoq:

### Kapitali 1

#### *Peqqussutip siunertaa*

§ 1. Peqqussutip matuma siunertaraa ajoqusersimasunut taakkualuunniit sulisillutik ajoqusernermikkut qimataannut taarsiissuteqartarnissaq ajunngitsorsiaqartitsinissarlu. Ajoquserneq suliamik imaluunniit pissutsinik sulinermi atugaasunik pissuteqassaaq, tak. peqqussummi §§-it 6-imiit 8-mut, sulisitsisorli tamatumunnga akisussaannerminik qimarratiginnissimasariaqanngilaq. Sulinermi avatangiisinik nakkutilliinermik suliallit sulisilluni ajoqusernissanik pinaveersimatitsiniarnerat sulisitsisut taarsiissutinik il.il. aningaasalersuinerisigut tapersorsorneqassaaq.

*Imm. 2.* Ajoqusersimasut taakkualuunniit qimataat aammalu sulisitsisoq, sillimmasiisarfik, Arbejdsmarkedets Erhvervssygdomssikring, pisortat oqartussaasut nakorsallu suliamik suliarinninnermi akuliutitinneqartassapput. Ajoqusersimasut taakkualuunniit qimataasa ataqatigiissumik suliniuteqarfigineqarnissaannut pisariaqartitsineq tassuunakkut qulakkeerneqassaaq.

### Kapitali 2

#### *Peqqussutip atuuffii*

#### *Inuit peqqussut naapertorlugu tunineqarsinnaasut*

§ 2. Inuit suliamik Kalaallit Nunaanni suliaqartussatut sulisitsisumit atorfinitsitaasimasut peqqussut manna naapertorlugu tunineqarsinnaapput, tak. §§-it 6-imiit 8-mut. Suliaq tassaasinnaavoq akissarsiaqarluni imaluunniit akissarsiaqarani suliaq, tassaasinnaallunilu ataavartumik, utaqqiisaagallartumik sivikitsuinnarmilluunniit suliaq.

*Imm. 2.* Sulisitsisup ilaqutai suliffeqarfimmi suliamik suussusiisigut annertussusiisigullu sulisunut allanut naligitinneqarsinnaagunik peqqussut manna naapertorlugu tunineqarsinnaapput.

*Imm. 3.* Namminersorlutik inuussutissarsiummik ingerlataqartut Kalaallit Nunaanni sulisut § 55, imm. 2 naapertorlugu imminnut isumannaariffigisimagunik peqqussut manna naapertorlugu tunineqarsinnaapput.

*Imm. 4.* Inuit danskit umiarsuaataanni Kalaallit Nunaanni angerlarsimaffeqartumi sulisuusut inunut Kalaallit Nunaanni sulisussatut atorfinitsinneqarsimasunut naligitinneqarput.

*Imm. 5.* Meeraq uumalluni erniusimasoq, naartuunermi nalaani anaanami sulinerata nassatarisaa-nik nappaateqalereersimaguni peqqussut manna naapertorlugu tunineqarsinnaavoq.

*Imm. 6.* Angajoqqaat naartup naartorineqalernera sioqqullugu meeqqalluunniit inunngornerata kingorna naartumut meeqqamulluunniit ajoqusiisinnaasumik sunnigaasimanerat kingusinnerusukkut

uppernarsarneqarpat, naartoq meerarluunniit peqqussut manna naapertorlugu tunineqarsinnaavoq. Ajoqusigaanerit taamaattut peqqussummi § 8-mi pineqartunut ilaatinneqarsinnaapput.

§ 3. Suliassaqartitsinermit ministerip Namminersornerullutik Oqartussat isumaqatiginiareerlugit peqqussutip makkununga qanoq atuunnissaanut maleruagassat aalajangersassavai

1) meeqqanut 18-it inorlugit ukiulinnut, isumaginninnermut tunngasutigut Inatsisartut peqqussummi pineqartunut, aamma

2) ilinniagaqartunut inunnulluunniit allanut ilinniagaqarnerminnut suliffimmilluunniit misiliinerminnut il.il. atatillugu ilinniarfimmittunut sullivimmiittunulluunniit.

*Imm. 2.* Peqqussutip inunnut sulisitsisumik sullissillutik nunamut allamut suliarorallartitaasunut qanoq atuunnissaanut maleruagassat Arbejdsskade styrelsen pisortaata aalajangersassavai.

*Imm. 3.* Peqqussutip inunnut, Kalaallit Nunaanni pinerluttulerinermik inatsimmi pineqartunut qanoq annertutigisumik atuunnissaanut maleruagassat suliassaqartitsinermit ministerip inatsisunik atortitsinermit ministeri isumaqatiginiareerlugu aalajangersassavai.

§ 4. Sulisitsisumi sulinerit tamarmik sulisilluni ajoqusersinnaanermut isumannaarinermit pineqarput. Pineqarput sulisitsisup inuussutissarsiutigalugu inuussutissarsiutigalugu suliffeqarfiutaani, aammalu sulisitsisup illuani sulinerit kiisalu sulisitsisumut taassumalu ilaqutaanut kiffartorluni sulineq.

*Imm. 2.* Aammattaaq inuit ingerlatanik makkuninnga suliqaartut peqqussut manna naapertorlugu taarsiiffiqarsinnaapput, tak. §§-it 6-imiit 8-mut:

1) Inuiaqatigiinnik kiffartuussilluni kommuniniluunniit qinigaasimaneq tunngavigalugu suliqaarneq.

2) Suliffeqarfimmi sulisut sulinerminni atugarisaannut atasumik sulisunut sinniisutut suliqaarneq.

3) Inuup inuuneranik annaassiniarneq, ajoqusernernerik pitsaaliuiniarneq imaluunniit atortutigut piosarsimassutsikkullu annertuunik annaasaqatsaaliuineq, iliuuseq taamatut ittoq § 2 malillugu sulinerit isigineqarsinnaangikkaluarluni taamatut sulinermit attuumassuteqaraangat.

4) Kalaallit Nunaanni inuup inuuneranik annaassiniarneq, iliuuseqarneq pineqartup suliata nalinginnaasumik ilaginngikkaluarpagaluunniit.

*Imm. 3.* Inatsisip suliartorluni sulereerlunilu angerlarluni ingerlanermi ajoqusertoqarnerani qanoq innikkut atuunnissaanut maleruagassat suliassaqartitsinermit ministerip aalajangersassavai.

§ 5. Ajoqusertoq taassumaluunniit qimatai ajoquserernerup kingorna Kalaallit Nunaata avataani aalajangersimasumik najugaqalersimatillugit sulisilluni ajoqusersinnaanermut isumannaarineq pillugu inatsimmi maleruagassat atuutsinneqassapput.

### Kapitali 3

#### *Sulisilluni ajoquserneq*

§ 6. Sulisilluni ajoquserneq peqqussummi matumani tassaatinneqarpoq ajoquserneq, tak. § 7, aamma inuussutissarsiordermi nappaatigiligaq, tak. § 8, suliamik imaluunniit pissutsinik sulinermit atugaasunik pissuteqartoq.

§ 7. Ajoquserneq peqqussummi matumani tassaatinneqarpoq pisup sunnigaanerulluunniit tassangaannartumik ullulluunniit tallimat qaangiutinnginneranni pisup kingunerisaanik inuup ajoqusi-gaanera.

*Imm. 2.* Ajoqusernertut tunngatillugu peqqussutip matuma atuutilerfia tassaavoq ulloq ajoquserfik, imaluunniit sunnigaanerup ajoquserneqarnermut pissutaasup qaangiuffia, aatsaalli peqqussummi allamik aalajangersaasoqarsimangippat.

**§ 8.** Inuussutissarsiornermi nappaatigilikkat peqqussummi matumani tassaatinneqarput:

- 1) Nappaatit nakorsartinnikkut paasisat malillugit immikkut ittumik sunnerneqarnermik pissuteqartut, inuit aalajangersimasut suliatik imaluunniit pissutsit sulinermi atugaasut aqqutigalugit inunnit taamatut suliaqartuunngitsunit sunnerneqaatiginerusaat. Aammattaaq meeqqap uumalluni erniusup nappaatai, anaanaasup naartulluni sulinerata nassatarisaatut meeqqap naartuunermini nappaatigiligai. Arbejdsskade styrelsen pisortaata Erhvervsstyrelsen isumaqatiginia-reerlugu, tak. sulisilluni ajoqusersinnaanermut isumannaarinet pillugu inatsimmi § 9, nappaatit suut taamaattut naatsorsuunneqarnermut allattorsimaffimmi aalajangersassavai.
- 2) Sulisillutik ajoqusersimasunik Sullissiviup pisortaata nappaataalersartut aalajangersimasut allattorsimaffimmut ilanngunneqarnissaat Arbejdsskade styrelsen pisortaanut inassutigisinnaavaa.
- 3) Nappaatit allat, matumani ilanngullugit meeqqap uumalluni erniusimasup naartuunermini nappaatigiligai, uppersarnerneqarsinnaappat nappaat nakorsartinnikkut uppersarnerneqarsinnaappat malillugit piumasaqaatinik nr. 1, oqaaseqatigiinni siullerni taaneqartunik naammassinnittoq imaluunniit suliap immikkut ittumik pissusaanik pissuteqavissutut tamatuminnгалuunniit pissuteqarnerusutut naatsorsuunneqartariaqartoq.

*Imm. 2.* Nappaatit, angajoqqaat naartup naartorineqalernera sioqqullugu meeqqalluunniit inunngornerata kingorna naartumut meeqqamulluunniit ajoqusiisinnaasumik sunnigaasimanerannik pissuteqartut allattorsimaffiup imm. 1, nr. 1-imi taaneqartup allannortinneratigit imaluunniit imm. 1, nr. 2 malillugu peqqussummi pineqartunut ilanngunneqarsinnaassapput, sunnigaanerit taakku naartumut meeqqamulluunniit ajoqusiisinnaasumik kinguneqarsimanerat uppersarnerneqarpat.

*Imm. 3.* Nappaatit imm. 1, nr. 2-mi aamma imm. 2-mi pineqartut aatsaat Erhvervsstyrelsen saqqummiussereernikkut inuussutissarsiornermi nappaataalersutut akuerineqarsinnaapput, tak. sulisilluni ajoqusersinnaanermut isumannaarinet pillugu inatsimmi § 9. Nappaatit tamakku Erhvervsstyrelsen saqqummiunneqartassapput, saqqummiussinissaq Arbejdsskade styrelsen imaluunniit Sulisillutik ajoqusersimasunik Sullissiviup angusaqarfiunngilluinnartussatut nalilinnngippassuk.

**§ 9.** Inuk nappaammik inuussutissarsiornermi nappaatigilikkat allattorsimaffianni ilanngunneqarsimasumik, tak. § 8, imm. 1, nappaateqalersimasoq peqqussut naapertorlugu pisartagaqarsinnaatitaavoq, nappaat pissutsinik inuussutissarsiummut tunngassuteqanngitsunik pissuteqarsorineqangippat.

*Imm. 2.* Inuussutissarsiornermi nappaataalersunut tunngatillugu peqqussutip matuma atuutilerfia tassaavoq ulloq nappaataalersup nalunaarutigineqarfia, aatsaalli peqqussummi allamik aalajangersaasoqarsimangippat.

**§ 10.** Danmark sorsulersimappat ajoqusernerit sorsunnermi iliutsit kingunerisaat sulisilluni ajoqusernertut naatsorsuunneqassanngillat. Inuilli angallatini umiartornermik aalisarnermilluunniit inuussutissarsiteqarnermi nalinginnaasumik atugaasuni sugaluartauniluunniit sulisuusut, sorsunnermi iliutsit kingunerisaannik ajoqusernertut atatillugu peqqussut manna naapertorlugu tunineqarsinnaapput. Tamanna aamma atuuppoq umiarsuarnut aalisarnermik nakkutilliissutitut umiarsuarnullu imaanik misissuineri atugaasunut, kiisalu inunnut § 70 naapertorlugu aalisartutut piniartutullu isumannaagaasunut.

## Kapitali 4

### *Aningaasat pisartakkat*

**§ 11.** Aningaasat inatsit malillugu tunniunneqartartut tassaapput

- 1) katsorsartinnermut, sungiusartinnermut atortutigullu ikiorsiissutinut il.il. aningaasartuutitut akiliutit, tak. § 15,
- 2) sulisinnaajunnaarnermi ullormusiat, tak. §§-it 17-imiit 21-mut,
- 3) inuussutissarsiorsinnaanermik annaasaqarnermut taarsiissutit, tak. § 22,
- 4) ataavartumik ajuuteqalernermi ajunngitsorsiat, tak. § 23,
- 5) toqusoqarnerani aningaasat ikaarsaariarnermi tunniuttakkat, tak. § 24,
- 6) pilersuisigisamik annaasaqarnermut taarsiissutit, tak. §§-it 25-miit 27-mut, aamma
- 7) qimagaasunut ajunngitsorsiat, tak. § 28.

### *Taarsiissutissanik il.il. annertussusiliisarneq pillugu malerugassat nalinginnaasut*

**§ 12.** §§-it 15, 22 aamma 23 naapertorlugit ullormusiat, taarsiissutit aamma ajunngitsorsiat sulisilluni ajoqusernerup kingunerisai tunngavigalugit annertussusilerneqartassapput. Ajoqusersimasup peqqissutsikkut isumaginnikkullu atugai sulisilluni ajoqusernerinnarmut tunngatinneqarsinnaanngippata taarsiissutissat il.il. ikilineqarsinnaapput, pissutsilluunniit apeqqutaatillugit atorunnaarsinnaallutik.

*Imm. 2.* Inuussutissarsiorsinnaanermik annaasaqarneq, ataavartumik ajuuteqalernerneq imaluunniit inuup toqunera sulisilluni ajoqusernerup kingunerisaatut naatsorsuunneqassapput, allamik pissuteqarnerat uppersarneqarsinnaanngippat.

*Imm.3* Inuup ajoqusernera ajoqusernermik nalunaarutigineqartuinnarmik pissuteqanngitsoq uppernarsarneqarsinnaappat, tak. imm. 1, ajoquserneq tamatuminnga ilisimatinneqassaaq kingusinnerpaamik ajoqusernerup akuerineqarneranik nalunaaruteqarnermut peqatigitillugu, tak. § 44.

**§ 13.** Ajoquserneq piimasaqaatit § 43-mi taaneqartut naammassiumanngippagit, imaluunniit peqqissarneqarni peqqussutaasunik sumiginnaanermigut akornusersorpagu taarsiiffigineqarsinnaaneq tamakkiisumik ilaannakuusumilluunniit atorunnaarsinnaavoq.

*Imm. 2.* Qimagaasut toqusup timaanik pilataanikkut misissuinissaq akerliuffigippassuk, tak. § 42, imm. 2, taarsiiffigineqarsinnaaneq atorunnaarsinnaavoq.

**§ 14.** Ajoquserneq piaarluneerluni inatsisinulluunniit akerliusumik iliuuseqarluni imaluunniit iliuuseqanngitsoorluni sulisilluni ajoqusernermut pisuusimappat annertuumilluunniit piseeqataasimappat ullormusiaqarsinnaatitaaneq, inuussutissarsiorsinnaanermik annaasaqarnermut taarsiiffigineqarsinnaaneq aamma ataavartumik ajuuteqalernermi ajunngitsorsiaqarsinnaaneq annikillisinneqarlutilluunniit tamakkiisumik atorunnaarsinnaapput. Taamatut piseqartillugu ajoquserneq tamatuminnga erseqqilluinnartumik ilisimatinneqassaaq.

### *Nappaammik katsorsaaneq, sungiusaqqinneq atortutigullu ikiorsiissutit il.il.*

**§ 15.** Sapinngisamik pitsaanerpaamik peqqissinissaq anguneqassappat, aningaasartuutillu peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata katsorsarneqarnermut sungiusarneqarnermulluunniit aningaasartuutit suliap suliarineqarnerata nalaani akiler-

neqarsinnaapput. Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.

*Imm. 2.* Nappaammik katsorsaanerup sungiusarneqarnerulluunniit kinguneqarluarnissaat, sulisilluni ajoqusernerup kingunerisaasa annikillisarnissaat imaluunniit inuussutissarsiorsinnaanermik annaasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaat qulakkeerniarlugit, aammalu aningaasartuutit peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata timip ilaanut taarsiussatut sanaanut, isarussanut atortutigullu ikiorsiissutitut assigisaannut kiisalu issiavinnut assaakaasulinnut aningaasartuutit suliap sularineqarnerata nalaani akilerneqarsinnaapput.

*Imm. 3.* Sulisilluni ajoqusernerup kingorna peqqissisinneqarnissamut, sungiusarnissamut atortutigullu ikiorsiissutitut siunissami aningaasartuutaajumaartussanut, peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngitsunut aningaasat taarsiissutissat ataasiartumik tunniunneqartussatut annertussusilerneqassapput. Aningaasartuutaajuartussat annertussusissaat tassaassaaq ukiumut agguaqatigiissillugit aningaasartuutissatut naatsorsuutigineqartut, inuussutissarsiorsinnaanermik annaasaqarnermut taarsiissutissat ataatsikkut tunniunneqarneranni naatsorsuinermi kisitsimmik § 32, imm. 4-mi annertussusilerneqartumik amerlisarlugit.

*Imm. 4.* Atortutigut ikiorsiissut imm. 2-mi taaneqartoq sulisilluni atorneqarsimappat, atortutigullu ikiorsiissut suliamik imaluunniit pissutsinik sulinermi atugaasunik pissuteqartumik ajoquserneqarsimappat, atortutigullu ikiorsiissutip iluarsanneqarnera nutaamilluunniit taarserneqarnera peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippat aningaasartuutit akilerneqarsinnaapput.

*Imm. 5.* Aningaasartuutit imm. 1-imiit 4-mut pineqartut, matumani ilanngullugit aningaasartuutit suliassap nalunaarutigineqarnera sioqqullugu aningaasartuutigineqarsimasut, qanoq annertutigisumik matussuserneqartarnissaannut maleruagassat Arbejdsskadestyrelsen pisortaata aalajangersassavai.

*Imm. 6.* Sillimmasiisarfiit aamma Arbejdsmarkedets Erhvervssygdomssikringip aningaasartuutit imm. 1-imiit 4-mut pineqartut akilerneqarnissaannik piunasaqaatinik isummerfiginnissinnaanisannik maleruagassat Arbejdsskadestyrelsen pisortaata aalajangersassavai.

**§ 16.** Nappaatip katsorsareerneratigut, sungiusaaqqereernikkut imaluunniit piginnaanngorsaaqqereernikkut ajoquserup siunissami peqqissutsikkut atugarisassai inuussutissarsiorsinnaaneralu naliiffigissallugit tunngavissaqarpat Sulisillutik ajoqusersimasunik Sullissiviup aalajangissavaa ajoqusertoq inuussutissarsiorsinnaanermik annaasaqarnermut taarsiissutinik § 22 naapertorlugu taarsiiffigineqarsinnaanersoq aammalu ataavartumik ajuuteqalernerup pillugu ajunngitsorsianik § 23 naapertorlugu tunineqarsinnaanersoq. Sulisilluni ajoqusernerup nalunaarutigineqarneraniit sapinngisamik ukioq ataaseq qaangiutsinnagu kingusinnerpaamillu ukiut marluk qaangiutsinnagit aalajangiiniartoqartassaaq.

*Imm. 2.* Sulisilluni ajoquserneq toqumik kinguneqarsimappat imm. 1-imi taaneqartuutit piffissat taakkua ingerlaneranni, toqunerup nalunaarutigineqarneraniit naatsorsorlugu aalajangerneqassaaq toqusup qimatai toqusoqarnerani ikaarsaariarnermi tunniunneqartartunik, pilersuisigisamik annaasaqarnermi taarsiissutinik aammalu qimagaasunut ajunngitsorsianik tunineqarsinnaanersut.

*Imm. 3.* Inuussutissarsiorsinnaanermik annaasaqarnermut taarsiissutit aamma ataavartumik ajuuteqalernermi ajunngitsorsiat naammassissutaasumik aalajangiisoqarnissaa tikillugu siumoortumik tunniunneqartarsinnaapput.

## *Ullormusiat*

**§ 17.** Sulisilluni ajoqusernerup kingunerisaanik sulisinnaajunnaavinnermi ullormusiaqartitsisoqas-saaq.

*Imm. 2.* Ilaannakuusumik sulisinnaajunnaarnermi Sulisillutik ajoqusersimasunik Sullissiviup ullormusiat tamatumunnga naapertuuttumik ikililersinnaavai.

**§ 18.** Ullormusiaqarsinnaatitaaneq aallartissaaq sulisilluni ajoqusernerup kingorna ulloq naallugu sulinnitsoorfigisamit siullermiit.

*Imm. 2.* Ullormusiat unitsinneqassapput ullormi ajoquser tup sulisinnaalerfiani, suliar tunngitsoornera peqqissinnerminilluunniit nalunaaruteqanngitsoornera apeqqutaatinnagit. Sulisilluni ajoquserneq inuussutissarsiorsinnaanermik annaasaqarnermut taarsiiffigineqarnissamik piumasaaqaateqarnermik kinguneqarpat piumasaaqaatit qulaani taaneqartut malillugit ullormusiaqartitsineq Sulisillutik ajoqusersimasunik Sullissiviup inuussutissarsiorsinnaanermik annaasaqarnermut taarsiisuteqartoqarnissaanik aalajangiinissaata tungaanut ingerlaannassaaq.

**§ 19.** Ullormusiat ajoquser tup ukiumut akissarsiai tunngavigalugit naatsorsorneqassapput, tak. § 29, sapaatillu-akunnikkaartumik tunniunneqassallutik. Ullormusiat piffissamut aalajangersimasumut tunniunneqartussat koruuninut ilivitsunut qummut qaninnerpaanut akunnaallineqassapput.

*Imm. 2.* Taamaattorli ullormusiat aningaasanit, napparsimanermi ullormusiat pillugit inatsimmi § 50, imm. 1 malillugu annertussusilikkanit annerusinnaanngillat.

**§ 20.** Ajoquser toq napparsimanermi ullormusiat pillugit inatsit malillugu ullormusiaqarsinnaati-taappat peqqussut manna malillugu ullormusiaqartitsisoqassanngilaq.

*Imm. 2.* Sulisitsisoq sulisinnaajunnaaqqanermi akissarsiaqartitsiguni ajoquser tup ullormusiasaanik tiguisinnaatitaavoq. Akissarsiat ullormusiatut naatsorsukkanit minneruppata aningaasat amigaataasut akissarsianut ilassutitut tunniunneqassapput.

**§ 21.** Ullormusiaqarsinnaatitaaneq aallartippat ajoquser tup sulisinnaajunnaarnermi sulisilluni ajoqusernermik nalunaarutigineqartumik pissuteqarnera pillugu nakorsap uppersaatitut oqaaseqaataanik nassiussaqarnissaa Sulisillutik ajoqusersimasunik Sullissiviup, Arbejdsmarkedets Erhvervsyngdomssikringip sillimmasiisarfiulluunniit piumasarisinnaavaa.

### *Inuussutissarsiorsinnaanermik annaasaqarnermut taarsiissutit*

**§ 22.** Sulisilluni ajoquserneq ajoquser tup sulinikkut aningaasarsiorsinnaanerata annikillineranik kinguneqarsimappat pineqartoq inuussutissarsiorsinnaanermik annaasaqarnermut taarsiiffigineqarsinnaavoq. Inuussutissarsiorsinnaanermik annaasaqarneq 15 pct.-imit annikinneruppat taarsiisuteqartoqassanngilaq.

*Imm. 2.* Inuussutissarsiorsinnaanermik annaasaqarnerup naliliiffigineqarnerani ajoquser tup piginnaassusii, ilinniagaqarsimanera, ukiui aammalu inuussutissarsiutitigut ilinniaqqissinnaanermut sungsuarneqarnissamullu periarfissai tunngavigalugit pineqartup sulinikkut aningaasarsiornissaanut periarfissatut piumasaaqaataasinnaasut isiginiarneqartassapput.

*Imm. 3.* Inuussutissarsiorsinnaanerup qanoq annertutiginera erseqqissumik paasineqanngippat Sulisillutik ajoqusersimasunik Sullissivik inuussutissarsiorsinnaanermik annaasaqarnermut taarsiisutissat pillugit aalajangiigallarsinnaavoq.

*Imm. 4.* Meeqqamut naartuunermini ajoquserneqarsimasumut, tak. § 8, imm. 1, nr. 2, imaluunniit meeqqamut, angajoqqaat meeqqap naartorineqalinnginneranili imaluunniit inunngoreernerani sun-

nigaanerisa kingunerisaanik nappaateqalersimasumut, tak. § 8, imm. 2, inuussutissarsiorsinnaanermik annaasaqarnermut taarsiissutit tunniunneqartalersinnaapput siusinnerpaamik ukiut 15-issaanni.

*Imm. 5.* Taarsiissutit ingerlaavartumik tunniuttagassatut pisassanngortinneqassapput, § 32-mi maleruagassat naapertorlugit ataatsikkut aningaasanngorlugit tunniutassanngortinneqanngikkunik.

*Imm. 6.* Inuussutissarsiorsinnaaneq tamakkiisumik annaaneqarsimatillugu ingerlaavartumik ukiut tunniuttagassat ajoquserup ukiumut akissarsiaasa 4/5-eraat, tak. § 29, inuussutissarsiorsinnaanerlu annikillisimappat annikilleriaammut tamatumunnga naapertuuttuussallutik.

*Imm. 7.* Ukiumut tunniuttagassat 1/12-iat qaammatikkuutaartumik siumut tunniunneqartassaaq, tunniussisarnerlu piffissamiit inuussutissarsiorsinnaanermik annaasaqarnerup paasineqarfianiit aallartissalluni, kisiannili piffissaq sulisilluni ajoqusernerup nalunaarutigineqarfia sioqqullugu aallartissanani. Ajoqusertoq piffissami aalajangiiffiusumi 63-inik ukioqalereersimappat taarsiissutissat § 32-mi maleruagassat naapertorlugit ingerlaavartumik ukiumut tunniuttakkat marloriaataattut angitigisut aningaasanngorlugit ataatsikkut tunniunneqassapput, tak. imm. 6.

*Imm. 8.* Imm. 7 naapertorlugu taarsiissutit ingerlaavartumik tunniunneqartarnerat qaammatip pisarsisartup 65-inik ukioqalerfiata naanerani unitsinneqassaaq.

#### *Ataavartumik ajuuteqalernerimi ajunngitsorsiat*

**§ 23.** Sulisilluni ajoquserneq ajoquserup ataavartumik ajuuteqalerneranik kinguneqarpat pineqartuq ajunngitsorsianik tunineqarsinnaavoq. Ajuuteqalernerulli annertussusia 5 pct.-imit annikinnerusutut annertussusilerneqarpat ajunngitsorsiaqartitsisoqassanngilaq.

*Imm. 2.* Ajuuteqalernerup annertussusia ajoqusernerup nakorsaasarnerup tungaanit isigalugu suussusia annertussusialu tunngavigalugit, aammalu sulisilluni ajoqusernerup ajoquserup nammineq inuuniarneranut akornutissarsiarititai eqqarsaatigalugit aalajangiiffigineqartassaaq.

*Imm. 3.* Ataavartumik ajuuteqalernerimi ajunngitsorsiat aningaasanngorlugit ataatsikkut tunniutasanngortinneqassapput, ajuuteqalernerulli annertussusia 100 pct.-iutillugu 699.000 kr.-ussallutik. Aningaasat § 30 malillugu iluarsiivigineqartassapput. Ajuuteqalernerneq annikinnerutillugu ajunngitsorsiat tassaassapput 699.000 kr.-t ilaat ajuuteqalernerup annertussusianut naapertuuttut.

*Imm. 4.* Immikkut illuinnartunik pisoqartillugu ataavartumik ajuuteqalernerimi ajunngitsorsiat anginerusunngorlugit annertussusilerneqarsinnaapput, annerpaamilli 699.000 kr.-t § 30 malillugu iluarsiivigisat 120 pct.-iannut.

*Imm. 5.* Ajoqusertoq sulisilluni ajoqusernermini 40-nik ukioqalersimappat ajunngitsorsiat pineqartup sulisilluni ajoqusernermi 39-nik ukioqalereerfianiit ukiut tamaasa 1 pct.-imik ikileriarinneqartassapput. Ajoqusertoq 60-inik ukioqalersimappat taarsiissutissat pineqartup sulisilluni ajoqusernermi 59-inik ukioqalereerfianiit ukiut tamaasa suli 1 pct.-imik ikileriarinneqartassapput. Ajunngitsorsiali 69-ileereernikkut ikiliseqqinneqassanngillat.

#### *Aningaasat toqusoqarnerani ikaarsaariarnermi tunniuttakkat*

**§ 24.** Sulisilluni ajoquserneq toqumik kinguneqarsimappat katissimallugu aapparisaq qimagaasoq aningaasanik ikaarsaariarnermi tunniuttakkanik 127.600 kr.-nik tunineqarsinnaatitaavoq, sulisilluni ajoquserneq sioqqullugu aappariit katissimappata inooqatigiinnerlu ajoquserup toqunera tikillugu attatiinnarneqarsimappat. Aningaasat § 30 malillugu iluarsiivigineqartassapput.

*Imm. 2.* Aappariit sulisilluni ajoqusernerup kingornatigut katissimappata aappaasup qimagaasup aningaasat ikaarsaariarnermi tunniuttakkat taakku piumasarisinnaavai, katissimalluni aappariinneq ajoquserup toqunera tikillugu ukiuni kingullerni marlunni attatiinnarneqarsimappat aappariillu piffissami ajoquserup toquiani inooqatigiissimappata.

*Imm. 3.* Aningaasat ikaarsaariarnermi tunniuttakkat aamma qimagaasumut, ajoquser tup sulisilluni ajoquserneq sioqqullugu katissimallugu aapparisaatulli inooqatigisaanut pisassaritineqassapput, inooqatigiinneq piffissami toqqiusumi ukiuni kingullerni marlunni attatiinnarneqarsimappat.

*Imm. 4.* Toqusoq aningaasanik ikaarsaariarnermi tunniuttakkanik imm. 1-imiit 3-mut naapertorlugit pisinnaatitaasumik qimataqanngippat, aningaasat ikaarsaariarnermi tunniuttakkat inummut qimagaasumut allamut pisassanngortinneqarsinnaapput, taamaaliornissamut immikkut ittunik pisutissaqartillugu.

#### *Pilersuisigisamik annaasaqarnermut taarsiissutit*

**§ 25.** § 24, imm. 1-imiit 3-mut naapertorlugit aningaasanik ikaarsaariarnermi tunniuttakkanik pisinnaatitaasooq, ajoquser tulli toquneratigut pilersuisigisaminik annaasaqartoq imaluunniit pilersorneqarneq eqqarsaatigalugu toqusoqarneratigut atugarliornerulersussaq tamatumunnga taarsiiffigineqarsinnaatitaavoq. Taarsiissutissat pilersugaanerup annertussusia qimagaasullu imminut pilersornissamut, tassa ukiut, peqqissuseq, ilinniagaqarneq kiisalu pilersugaqarneq aningaasarsiornerlu eqqarsaatigalugit periarfissai tunngavigalugit annertussusilerneqassapput.

*Imm. 2.* Taarsiissutissat toqusup ukiumut akissarsiarisimasaasa 30 pct.-iisut ukiumut annertussuseqartut, tak. § 29, piffissap aalajangersimasup ingerlanerani tunniuttakkat tunniunneqartassapput. Taarsiissutissat ulloq toqqiik aallarnerfigalugu qaammammut 1/12-itut annertussusillit siu-moortumik tunniunneqartassapput. Ukiut pisartagaqarfissat annerpaamik ukiunik qulinik amerlasusilerneqarsinnaapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartalissapput. Toqusoq inatsit manna naapertorlugit inuussutissarsiorsinnaanermik annaasaqarnermut taarsiissutinik ingerlaavartumik pissarsisarsimappat, pilersuisigisamik annaasaqarnermut taarsiissutit aatsaat ullup toqqiusup kingorna qaammatip tulliuttup aallaqqaataaniit tunniunneqartalissapput.

*Imm. 3.* Imm. 2 naapertorlugit tunniuttakkat piffissami pisartagaqarfissat aalajangikkami allanguuteqaratik ingerlaannassapput, tunniuttakkat tamakkiisumik ilaannakuusumilluunniit ataatsikkut aningaasanngorlugit tunniutassanngortinneqanngippata imaluunniit pisartagaqarsinnaatitaasooq toquppat.

*Imm. 4.* Qimagaasunut tunngatillugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naaneraniit unitsinneqassaaq.

**§ 26.** Toqusoq qitornaminik pilersussallugit pisussaatitaaffigisaminik imaluunniit akilersuuteqarfissallugit pisussaatitaaffigisaminik qimataqarpat meeqqat tamarmik, angajoqqaamik arlaannik suli najorteqartut 18-inik ukioqalernissartik tikillugu ingerlaavartumik pisartagaqarsinnaatitaassapput, toqusup ukiumut akissarsiarisimasaasa 10 pct.-iisut ukiumut annertussuseqartunik, tak. § 29.

*Imm. 2.* Meeqqap imm. 1 naapertorlugit ingerlaavartumik pisartagaqartitaasup angajoqqaatuariligaa toquppat, meeraq toqusup ukiumut akissarsiarisimasaasa 20 pct.-iisut annertussuseqartunik piffissami sinneruttumi ukiumut pisartagaqartinneqassaaq. Ukiumut tunniuttakkat taakku meeqqanut tamanut toqusup kisimiilluni pilersugarisimasaanut pisartagassanngortinneqassapput meeqqat 18-iliinissaat tikillugu.

*Imm. 3.* Meeraq 18-inik ukioqalernermini ilinniartuuppat, pissutsillumi taamaaliornissamut tunngavissaqartitsippata taava pisartagaqartitsineq ilinniarnepup naammassinissaanut sivitsorneqarsinnaavoq, sivisunerpaamilli pineqartup 21-liinera tikillugu. Aamma toqusup qitornaa toqunerup nalaani 18-ileereersimasooq ilinniagaqartuusorlu taamatulli periarfissaqartitaassaaq.

*Imm. 4.* Imm. 1-imiit 3-mut naapertorlugit pisartagarititassat toqusup ukiumut akissarsiarisimasaasa 50 pct.-iinut amerlaneruppata, pisartagassat ataasiakkaat katillutik toqusup ukiumut akissarsiarisimasaasa 50 pct.-iinut ikililerneqassapput. Tassunga peqatigitillugu § 25 naapertorlugit taarsiis-



sutit tunniunneqartarpata tunniuttakkat taamatulli toqusup ukiumut akissarsiarisimasaasa 40 pct.-iinut ikililernerqassapput.

*Imm. 5.* Imm. 1-imiit 3-mut naapertorlugit pisartagarititat ulloq toqquik aallarnerfigalugu qaammammut 1/12-itut annersussusillit siumoortumik tunniunneqartassapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartalissapput.

**§ 27.** §§-it 25 aamma 26 naapertorlugit ukiumut pisartagarititat tamarmiusut toqusup ukiumut akissarsiarisimasaasa 70 pct.-iinit minneruppata killissarititaasup taassuma iluani pissutsit immikkut ittut tunngavigalugit taarsiissutissanik allanut, toqusup tamakkiisumik ilaannakuusumilluunniit suli-silluni ajoqusernini tikillugu pilersorsimasaanut pisassanngortitsisoqarsinnaavoq. Taarsiissutissat, toqusup qitornassanut 21-it inorlugit ukiulinnut taarsiissutit eqqaassanngikkaanni ataatsikkut aningaasannorlugit tunniunneqarsinnaapput, tak. § 32.

#### *Qimagaasunut ajunngitsorsiat*

**§ 28.** Toqusoqarnera piaaraluneertoqarnerani mianersuaalliorujussuartoqarneraniluunniit pisimap-pat qimagaasut toqusumut immikkut ittumik qaniginnittuusut immikkut ittumik ajunngitsorsiaqar-tinneqarsinnaapput.

*Imm. 2.* Imm. 1 naapertorlugu ajunngitsorsiaqartitsinissamik naliliinermi, aammalu ajunngitsorsiat annertussusissaannik aalajangiinermi ajoquusiisup iliuusaata suunera, taamatullu aamma qimagaasu-mut qimagaasunulluunniit qanoq naalliuutaatigisimanagera ajoquusiisimanageraluunniit immikkut ittu-mik isiginiarneqassapput.

#### Kapitali 5

##### *Ukiumut akissarsianik annertussusiliisarneq iluarsisuteqartarnerlu*

**§ 29.** Ukiumut akissarsiat tassaapput ajoquser tup ukiumi ajoquserfimmi siuliani akissarsiai tamar-miusut. Atorfinitsitaanermi immikkut ittunik atugassaqartitsisoqarsimappat, imaluunniit ajoquser toq inuussutissarsiornikkut nappaatigilikkani pissutigalugu ukiup siulia tamaat akissarsiani pigiinnarlu-git sulisinneqarsimanngippat, imaluunniit ajoquser toq nappaatip ulloq nalunaarutigineqarfia sioq-qullugu piffissami sivikinnerusumi sivisunerusumiluunniit inuussutissarsiorsinnaasimanngippat uki-umut akissarsiat missingersuinikkut amerlassusilerneqartassapput.

*Imm. 2.* Ukiumut akissarsianut ilanngullugit naatsorsuutigineqassapput akeqanngitsumik neri-saqartitaanerup ineqartitaanerullu nalingat kiisalu allat nioqqutissanngorlugit tunniunneqartartut nalingat. Arbejdsskadestyrelsen pisortaata inuit sulisitsisuminni najugaqarallartut nerisaqarnerisa ineqarnerisalu nalingat aalajangersassavaa.

*Imm. 3.* Ukiumut akissarsiat 419.000 kr.-t sinnerlugit annertussusilerneqarsinnaanngillat. Anin-gaasat § 30 naapertorlugu iluarsivigineqartassapput.

*Imm. 4.* Ajoquser toq 18-it inorlugit ukioqarpat imaluunniit ilinniagaqartuuppat ukiumut akissar-sianik annertussusiliinermi, ajoquser tup ajoquserneq pisimanngitsuuppat 18-inik ukioqalereerner-migut inuussutissarsiornermigut ilinniagaqareernermigulluunniit isertitarisinnaasai eqqarsaatigine-qassapput. Ukiumullu akissarsiat minnerpaamik 51.100 kr.-nik, § 30, imm. 2 naapertorlugu iluarsii-vigisanut annertussusilerneqassapput, ajoquser tup inuussutissarsiorsinnaanera sulisilluni ajoquser-neq sioqqulluguli annertuumik annikilleriareersimanngippat.

*Imm. 5.* Sulisitsisunut § 55, imm. 5 naapertorlugu imminnut isumannaariffiginissamut pisussaaffe-qartunut, aammalu inunnut inuussutissarsiuutini § 55, imm. 5-imi taaneqartuni sulisussatut sulisus-

sarsiarineqarsimasunut tunngatillugu ukiumut akissarsiat minnerpaamik 51.100 kr.-nik annertussu-silerneqassapput.

*Imm. 6.* Sulisilluni ajoquserneq pisimannngitsuuppat isertitat ataavartumik annertuumik allanngor-tussaatillugit, ukiumut akissarsiatut ullormusianik naatsorsuinermi tunngavigneqartussatut iserti-taassangatinneqartut piffissamit isertittakkat allannguuteqarfigisassaraluanniit naatsorsorneqassap-put.

*Imm. 7.* Namminersorlutik inuussutissarsiummik ingerlataqartunut tunngatillugu ukiumut akissar-siat naatsorsornissaannut maleruagassat erseqqinnerusut Arbejdsskadestyrelsen pisortaata aalajan-gersassavai, tak. § 55, imm. 2.

*Imm. 8.* Ullormusiat aamma inuussutissarsiorsinnaanermik annaasaqarnermut pilersuisigisamillu annaasaqarnermut taarsiissutissat ingerlaavartumik tunniuttagassatut naatsorsornissaannut iluarsii-vinginissaannullu tunngaviusussamik akissarsianik annertussusiliisoqassaaq. Taakku ukiumut akissar-siat imm. 1-imiit 7-imut maleruagassat naapertorlugit annertussusilikkat, 51.100 kr.-t ukiumullu akissarsiat minnerpaaffissaasa sulisilluni ajoqusernerup pinerani atuuttut nikingassutaannik amerli-neqarnerisigut naatsorsorneqassapput.

**§ 30.** Ataavartumik ajuuteqalernermi ajunngitsorsiat § 23-mi taaneqartut, aamma ukiumut akissar-siat annerpaaffissaat § 29, imm. 3-mi taaneqartoq sulisilluni ajoqusersinnaanermut isumannaarineq pillugu inatsimmi § 25, imm. 1-imi maleruagassat naapertorlugit iluarsii-vigneqassapput.

*Imm. 2.* Aningaasat ikaarsaariarnermi tunniuttakkat § 24-mi taaneqartut aamma ukiumut akissar-siat minnerpaaffissaat § 29, imm. 4-mi 5-imilu taaneqartoq procentimik, Kalaallit Nunaanni akinut iluarsii-summut naleqqersuutip ukiup siuliani julip qaammataani atuuttup Kalaallit Nunaanni akinut iluarsii-summut naleqqersuutip juli 2007-imi atuuttumut naleqqiullugu allannguutaanut naapertuut-tumik ukiut tamaasa 1. januarimi iluarsii-vigneqartassapput. Aningaasat tassuunakkut naatsorsukkat koruuninut 100-mik agguarneqarsinnaasunut qaninnerpaanut qummut akunnaallineqassapput.

*Imm. 3.* Ullormusiat ingerlaavartumillu tunniunneqartartut akissarsiat tunngaviusut aallaavigalugit aalajangersarneqartut, tak. § 29, imm. 8, aningaasat imm. 2-mi taaneqartut procentiata assinganik iluarsii-vigneqassapput.

*Imm. 4.* Arbejdsskadestyrelsen pisortaata ukiut tamaasa oktoberip qaammataa naatinngu sutigut iluarsii-suteqartoqassanersoq nalunaarutigisassavaa. Allannguutissat januarip tulliuttup aallaqqaa-taaniit atuutilertassapput.

*Imm. 5.* Inunnut Kalaallit Nunaata avataani najugalinnut ingerlaavartumik pisartagarititat piffis-samit tunniunneqartalerfianniit sulisilluni ajoqusersinnaanermut isumannaarineq pillugu inatsimmi § 25, imm. 2-mi maleruagassat naapertorlugit tunniunneqartarlutillu iluarsii-vigneqartassapput, siu-sinnerpaamilli piffissami pineqartup Kalaallit Nunaata avataani aalajangersimasumik najugaqaler-fianiit aallartittumik.

*Imm. 6.* Taarsiissutitut pisartagassanik ingerlaavartumik tunniunneqartartussanik annertussusili-nermi, ataatsikkut aningaasannorlugit akiliinissami kiisalu ataavartumik ajuuteqalernermi ajunng-itsorsiat aningaasartaannik annertussusiliinermi taarsiissutissat aamma ajunngitsorsiat, sulisilluni ajoquserneq piffissap aalajangiiffiup nalaani pisutut isigalugu naatsorsorneqassapput.

*Imm. 7.* Ukiumut ingerlaavartumik pisartagarititat 12-imik agguarneqarsinnaanngitsut koruuninut 12-imik agguarneqarsinnaasunut qaninnerpaanut qaffanneqassapput.

## Kapitali 6

### *Taarsiissutit tunniunneqartarnerat*

**§ 31.** Peqqussut manna malillugu taarsiissutissat, ataavartumik ajuuteqalernermi ajunngitsorsiat ullormusiallu ajoqusersimasunik qimagaasunullu tunniunneqassapput, taamaattorli tak. imm. 5.

*Imm. 2.* Sulisillutik ajoqusersimasunik Sullissiviup immikkut ittunik pisoqartillugu ullormusiat, taarsiissutit ataavartumillu ajuuteqalernermi ajunngitsorsiat ajoqusersitumut qimagaasunullu tunniusinnaavai, aningaasallu akilerallakkat tamatuma kingorna sillimmasiisarfimmut imaluunniit Arbejdsmarkedets Erhvervsygdømsikringimut piumasaqaatigalugit.

*Imm. 3.* Aningaasat imm. 1-imi pineqartut ullormit aningaasat pisassanngortinneqarnerannik nalunaaruteqarfiusumiit sap.ak. 4-nit kingusinnerusumik tunniunneqarpata, aningaasat sap.ak. 4-nik piffissaliussap naaneraniit tunniunneqarnissaat tikillugu erniat ukiumoortut, kingusinaarluni akiliiner-mi il.il. ernialersuisarneq (pillaatitut ernialersuisarneq) pillugu inatsit, Kunngip peqqussutaatigut Kalaallit Nunaanni atuuttussanngortinneqarsimasoq naapertorlugu annertussusiligaasut annertoqqa-taannik ernialersorneqassapput. Pisuni § 34, imm. 1-imi pineqartuni piffissaliussaq tassaavoq ullor-mit kommunip utertitsivigineqarnissamik piumasaqaammik taarsiissutit akiliuteqartussamut inaa-rutaasumik nalunaaruteqarfigisaaniit ullut 14-it.

*Imm. 4.* Ullormusiaqarsinnaatitaaneq, inuussutissarsiorsinnaanermik annaasaqarnermut pilersuisi-gisamillu annaasaqarnermut taarsiissutit ingerlaavartumik tunniunneqartartussatut pisassanngortin-neqarsimasut qaammatip tunniunneqartartunik pissarsisartup toquffiata naanerani tunniunneqarta-runnaassapput.

*Imm. 5.* Taarsissutissat qaammammut toqqiusumut tunngassuteqartut aammalu qaammatinut siu-sinnerusunut tunngassuteqartut tunniunneqarsimangippata taarsiissutissat pissarsisartup katissimal-lugu aapparisaanut tunniunneqassapput, aappariit piffissami toqqiusumi inooqatigiissimappata. Pissarsisartoq katissimallugu aapparisaanik inooqatigisaanik qimataqangippat aningaasat toqu-sup pigisaanut tunniunneqassapput.

**§ 32.** Ukiumut ingerlaavartumik taarsiissutissat inuussutissarsiorsinnaanermik 50 pct. inorlugu an-naasaqarnermut § 22 malillugu pisassanngortitaasut nalinginnaasumik, aammalu taarsiissutisisin-naatitaasoq akuersiseqqaanngikkaluarlugu aningaasanngorlugit ataatsikkut tunniussassanngortinne-qassapput. Inuussutissarsiorsinnaanermik annaasaqarnermut taarsiissutissat inunnt piffissami aala-jangiiffiusumi 63-inik ukioqalereersunut § 22, imm. 7, oqaaseqatigiit aappaat naapertorlugit pisa-sanngortinneqartut tamatigut aningaasanngorlugit ataatsikkut tunniunneqartassapput. Inuussutissar-siorsinnaanermik annaasaqarnermut taarsiissutissat pillugit § 22, imm. 3 naapertorlugu utaqqiisaa-gallartumik aalajangiisoqarsimatillugu taarsiissutissat aningaasanngorlugit ataatsikkut tunniussas-sanngortinneqarsinnaanngillat.

*Imm. 2.* Inuussutissarsiorsinnaanermik annaasaqarnermut 50 pct.-iusumut taassumangalu anner-tunerusunut ukiumoortumik ingerlaavartumik taarsiissutissanik pisassanngortitsisoqarsimatillugu, taarsiissutisisinnaatitaasup tamanna qinnutigippagu taarsiissutissat ilaat inuussutissarsiorsinnaan-ermik annaasaqarnerup 50 pct.-itai tikillugit annertussuseqartut aningaasanngorlugit ataatsikkut tunni-utassanngortinneqassapput. Pissarsisussa 63-inik ukioqalereersimappat taarsiissutissatut ingerlaa-vartumik tunniutassanngortinneqartut aningaasanngorlugit ataatsikkut tunniutassanngortinneqarsin-naanngillat.

*Imm. 3.* Pilersuisigisamik annaasaqarnermut § 25 naapertorlugu taarsiissutissat taarsiissutisisin-naatitaasup qinnuteqarneratigut aningaasanngorlugit ataatsikkut tunniunneqassapput.

*Imm. 4.* Ingerlaavartumik pisartagaritit aningaasanngorlugit ataatsikkut tunniutassanngortinne-qarneranni, pisartagarisat piffissami aningaasanngorlugit ataatsikkut tunniunneqarfigisaanni anner-tussusiat tunngavigineqassaaq, piffissaq tassaalluni piffissaq aningaasanngorlugit ataatsikkut tun-niunneqartussat tunniunneqarfigisinnaasaat. Taarsiissutinik aningaasanngorlugit ataatsikkut tun-niussassanngortitsisarneq taamaallaat siunissami pisussanut atuutissaaq. Ingerlaavartumik pisarta-garititanik aningaasanngorlugit ataatsikkut tunniussisoqartarnissaa maleruagassat, sulisilluni ajoquser-

nernut 1. juli 2007 sioqqullugu pisunut tunngasut, suliassaqartitsinnermut ministerip, sulisilluni ajoqusersinnaanermut isumannaarineq pillugu inatsimmi § 27, imm. 4 naapertorlugu aalajangersagai malillugit pisassaaq.

*Imm. 5.* Inuussutissarsiorsinnaanermik annaasaqarnermut taarsiissutissat pillugit inaarutaasumik aalajangiisoqarpat, taarsiissutisisinnaatitaasullu taarsiissutissat aningaasanngorlugit ataatsikkut tunniunneqarnissaat qinnutigisimappagu, taarsiissutisisinnaatitaasorli aningaasanngorlugit ataatsikkut tunniunneqartussat tunniunneqannginneranni toqusimappat, taava aningaasat toqusup pigisaanut tunniunneqassapput. Ingerlaavartumik pisartagarititanik aningaasanngorlugit ataatsikkut tunniussasanngorlitsineq pisartagarititat ullup toqqiusup siuliani annertussusiat tunngavigalugu pissaaq.

**§ 33.** Ajoqusertoq sulisilluni ajoqusernerup kingunerisaanik Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisiaqartussaappat, ajoquserup inuussutissarsiorsinnaanermik annaasaqarnermut inatsit manna naapertorlugu taartisiassaasa nalingi ikilisinneqassapput. Ikilisisissut atorfilittut qanoq sivisutigisumik sulisimaneq tunngavigalugu soraarnerussutisiaat saniatigut qaffaatip nalingata 2/3-ianik annertussuseqassaaq.

*Imm. 2.* Sulisilluni ajoquserneq toqumik kinguneqarpat, qimagaasullu Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisiaanik pisartagaqartussaappata, inatsit manna naapertorlugu ukiumut ingerlaavartumik pisartagarititat soraarnerussutisiaat toqusup toqugami atorfilittut qanoq sivisutigisumik sulisimaneq tunngavigalugu soraarnerussutisiaartinneqartut saniatigut qaffaatip nalingata 2/3-ianik ikilisinneqassapput.

*Imm. 3.* Imm. 1-imi 2-milu aalajangersakkat taamatuttaaq atuutissapput inatsit manna naapertorlugu taarsiissutisisinnaatitaasunut allanut, Kalaallit Nunaanni atorfillit pillugit malittarisassanut naapertuuttumik soraarnerussutisiaqartinneqartussat aalajangersaavigineqarsimasunut. Taamaattoqartillugu sillimmasiisarfiup imaluunniit Arbejdsmarkedets Erhvervssygdomssikringip soraarnerussutisiaanik tunniussisussap, ajoquserup qimagaasulluunniit inatsit manna naapertorlugu taartisiassaani ilanngaattissat naatsorsorneqarsimasut annertoqqataat akilissavai.

**§ 34.** Ajoqusertoq qimagaasulluunniit isumaginninnermut tunngasut pillugit Inatsisartut peqqusutaat malillugit piffissami aalajangersimasumi aningaasanik pisartagaqarsimappata, kingusinnerusukkullu ullormusianik, tak. §§-it 17-imiit 21-mut, inuussutissarsiorsinnaanermik annaasaqarnermut ingerlaavartumik taarsiissutinik, tak. § 22, imaluunniit pilersuisigisamik annaasaqarnermut taarsiissutinik, tak. §§-it 25-miit 27-mut tunineqartussanngorlitaallutik, taava kommuni utertitsivigineqarnissaminik sillimmasiisarfiup imaluunniit Arbejdsmarkedets Erhvervssygdomssikringimut piumasaqartussaavoq. Utertitsivigineqarnissamik piumasarineqartut tassaapput aningaasat Inatsisartut peqqussutaanni taaneqartut malillugit tunniunneqarsimasut aningaasallu isumaginninnikkut tunniutakkanut peqatigitillugu taarsiissutinik akiliisoqassagaluarpat tunniunneqarsimasussaagaluit nikingassutaat. Kommunilli utertitsivigineqarnissamik piumasaqaatai aningaasanit inatsit manna naapertorlugu pineqartumut piffissami tassani tunniunneqarsimasunit amerlanerusinnaanngillat. Utertitsivigineqarnissamik piumasaqaat kommunip taarsiissutissanik tunniussisoqarnissaanik nalunaarfigineqarneraniit sap.ak. 4-t qaangiutinnginneranni saqqummiunneqanngippat piumasaqarsinnaaneq atorunnaassaaq.

*Imm. 2.* Ajoqusertoq taassumaluunniit qimatai sulisilluni ajoqusernerup kingunerisaanik taarsiiffigineqarsimappata ajunngitsorsiaqartinneqarsimappataluunniit, ajoqusiisoq taarsiissuteqarnissamut akisussaasoq taassumaluunniit akisussaasutut sillimmasiisarfiata sulisilluni ajoqusersinnaanermut sillimmasiisarfiup imaluunniit Arbejdsmarkedets Erhvervssygdomssikringimit utertitsivigineqarnissamik piumasaqartussaavoq. Ajoqusiisup taarsiissuteqarnissamut akisussaasup taassumaluunniit akisussaasutut sillimmasiisarfiata piumasariisaasa assigaat aningaasat taarsiissutigineqartussat ajunngitsorsiaritinnegartussallu sulisilluni ajoqusersinnaanermut sillimmasiisarfiup imaluunniit Ar-

bejdsmarkedets Erhvervsygdmsikringip piffissami piumasaaqatit saqqummiunneqarfianni akilis-sallugit pisussaaffii.

**§ 35.** Piumasarisat ajoquserup taassumaluunniit qimataasa inatsit naapertorlugu pisassarisaat isumaqatigiissuteqarnikkut allanut nuunneqarsinnaanngillat. Akiligassaqarfiit piumasarisat taakku akiliutigitissinnaanagilluunniit eqqartuussiviit aqutigalugit malersorsinnaanngilaat.

## Kapitali 7

### *Nalunaarutiginninneq suliamillu suliarinninneq*

**§ 36.** Sulisilluni ajoquserneq peqqussut naapertorlugu aningaasanik pisartagaqarnissamik piumasaaqarfiusinnaassangatitaaq sapinngisamik piaarnerpaamik kingusinnerpaamillu ajoqusernermiit ullut 9-t qaangiunneranni nalunaarutigineqassaaq.

*Imm. 2.* Sulisilluni ajoquserneq imm. 1 naapertorlugu nalunaarutigineqanngitsoq, ajoqusernerullu pineraniit sap.akunnerisa tallimat qaangiunneranni ajoquserup tamakkiisumik nalinginnaasumik sulilersinnaasimannnginneranik nassataqartoq kingusinnerpaamik tamatuma qaangiunnerani ullut 9-t qaangiunneranni nalunaarutigineqassaaq.

*Imm. 3.* Inuussutissarsiornermi nappaatigilikkat, tak. § 8, pillugit nalunaaruteqarnissamut piffissarititaaq piffissamit nalunaarutiginninnissamut pisussaasup nappaatip inuussutissarsiornermik pissuteqarsorineqarneranik ilisimasaqalerfigisaaniit aallartittumik naatsorsorneqassaaq.

*Imm. 4.* Sulisillutik ajoqusersimasunik Sullissivik sulisilluni ajoqusernerup kingunerisaanik toqsuteqarsorinninneq pillugu, aamma suliffigisami toqusoqarnera suugaluartorluunniit pillugu nal. akunneri 48-t qaangiutsinnagit ilisimatinnegassaaq. Sulisilluni ajoquserneq toqumik kinguneqarsimasinnaasooq imm. 1-imiit 3-mut naapertorlugit nalunaarutigineqareersimagaluarpuunniit imaluunniit nalunaarutigineqartussaagaluarpuunniit ilisimatitsineq pissaaq.

**§ 37.** Sulilluni ajutoornernik nalunaaruteqartussaataitaavoq sulisitsisooq isumannaarinissamut pisusaatitaasooq, tak. § 55.

*Imm. 2.* Inuk angerlarsimaffimmi allatulluunniit sulisitsisumit namminermit sulisitaasooq isumannaariffigisaanissamullu pisussaaffiunngitsoq, tak. § 55, imm. 7, pillugu nalunaaruteqarnissaaq sulisitsisup pisussaaffigaa.

*Imm. 3.* Inuk § 55, imm. 2, 4 aamma 5 naapertorlugit imminut isumannaariffigisimasooq aamma inuk § 4, imm. 2, nr. 4-mi pineqartunut ilaasooq nalunaarutigineqassaaq pineqartumit namminermit imaluunniit taassuma qimataanit.

**§ 38.** Sulisitsisup nalunaaruteqartussaataitaasup, tak. § 37, aammalu inuup imminut isumannaariffigisimasup, tak. § 55, imm. 2, 4 aamma 5, ajoqusernerit Sulisillutik ajoqusersimasunik Sullissivimmut nalunaarutigissavaat.

*Imm. 2.* Ajoqusernerit aammattaaq Sulisillutik ajoqusersimasunik Sullissivimmut nalunaarutigineqartassapput imaattoqartillugu

- 1) isumannaarinnittussaataitaaneq eqquutsinneqarsimanngippat, tak. § 55, imm. 1 aamma 5,
- 2) isumannaarinnittussaataitaasooqanngippat, tak. § 55, imm. 6 aamma 7, imaluunniit
- 3) ajoquserneq § 4, imm. 2, nr. 4-mi pineqartunut ilaappat.

*Imm. 3.* Ajoquserup taassumaluunniit qimatai inuussutissarsiornikkat nappaatigilikkamik sulisilluniluunniit ajoqusernermik Sulisillutik ajoqusersimasunik Sullissivimmut nalunaaruteqarsinnaapput, sulisitsisooq sulisilluni ajoqusernermik nalunaaruteqartussaagaluarpuunniit.

**§ 39.** Nakorsat kigutillu nakorsaasa inuussutissarsiornermi nappaatigilikkat qularnaatsut taamatullu pasitsaassat, inuussutissarsiornermikku ilisimalikkatik pillugit Sulisillutik ajoqusersimasunik Sullissivimmuut aamma Sullivinnik Nakkutilliisoqarfimmuut nalunaaruteqartarnissaat pillugu maleruagassat suliaasaqartitsinermmuut ministerip aalajangersassavai.

**§ 40.** Nalunaarutit sunik paasissutissartaqarnissaat qanorlu nalunaaruteqartoqartarnissaa pillugit maleruagassat Arbejdsskade styrelsi pisortaata aalajangersassavai. Sulisilluni ajoqusernerit qarasaasiat aqutugalugit nalunaarutigineqarsinnaanerat maleruagassiani allasimasinnaavoq.

*Imm. 2.* Kommunalbestyrelsi, Arbejdsmarkedets Erhvervssygdomssikringip aamma sillimmasiisarfiit inatsisip atuutsinneqarnerani peqataanissaat pillugu maleruagassat erseqqinnerusut Arbejdsskade styrelsi pisortaata aalajangersarsinnaavai.

*Imm. 3.* Sulisilluni ajoqusernerit nalunaarutigineqartarnissaat nakorsallu uppersaaitut oqaaseqaataannik, suliaasaq suliarineqarnissaani pisariaqartinneqartunik tunniussisoqartarnissaa pillugit maleruagassat Arbejdsskade styrelsi pisortaata aalajangersassavai. Nakorsat uppersaaitut oqaaseqaataasa nakorsallu allagarsiussaasa, tak. imm. 4, akimik aalajangersimasunik qanoq innikkut akilerneqartarnissaat, akillu taassuma annertussusissaa pillugit maleruagassat Arbejdsskade styrelsi pisortaata aamma aalajangersassavai.

*Imm. 4.* Nakorsat uppersaaitut oqaaseqaataannut, matumani aamma nakorsat immikkut ilisimasallit uppersaaitut oqaaseqaataannut toqusimasunillu pilattaalluni misissuinerit pillugit oqaaseqaatinut, aammattaarlu oqaaseqaatinut allagartatigullu uppersaasiussanut allanut, matumani aamma naatsorsuutini kukkunersiuisut naatsorsuinerannut pisariaqartunut aningaasartuutit sillimmasiisarfiup aamma Arbejdsmarkedets Erhvervssygdomssikringip akilissavaat.

**§ 41.** Nalunaarulli piffissaagallartillugu nassiunneqarsimangippat ajoquser tup qimagaasulluunniit inatsit malillugu taarsiiffigineqarnissaq, sulisilluni ajoqusernermiit ukioq ataaseq qaangiut sinagu piunasaqaatigisinnaavaat. Inuussutissarsiornermi nappaataalersunut, tak. § 8, tunngatillugu piffissarititaq piffissamit ajoquser tup qimagaasulluunniit nappaatip inuussutissarsiummik patsiseqarsorineqarneranik ilisimannilerfianniit naatsorsorneqassaaq. §§-it 15, 22-miit 28-mut naapertorlugit taarsiiffigineqarnissamik piunasaqaatinut tunngatillugu piffissarititaasoq immikkut itumik pissutissaqartillugu atuutsinngitsoorneqarsinnaavoq.

*Imm. 2.* Pisimasoq nalunaarutigineqartoq pissutsit ajoquser tup qimagaasulluunniit pisuussutigisaannik pissuteqartumik suliarineqarsinnaangippat, inatsit naapertorlugu piunasaqaatit sulisilluni ajoqusernermiit ukiut tallimat qaangiunnerisigut atorunnaassapput.

**§ 42.** Sulisillutik ajoqusersimasunik Sullissivik suliamik paasisimasalinnik ajoquserfiusumut misissuiartortitsisinnaavoq.

*Imm. 2.* Sulisillutik ajoqusersimasunik Sullissiviup aamma Ankestyrelsi paasissutissanik sunilluunniit styrelsi pingaaruteqarsorisaanik tunineqarnissatik sulisitsisunut, sulisorisanut, kommuninut susasaqartunullu allanut, matumani aamma napparsimmavinnut, suliffeqarfinnut nakorsanullu suliarinnittunut il.il. piunasarisinnaavaat. Tamakku ilaatigut tassaapput politiinit nalunaarusiaajunartut, napparsimmavinni ullormut nalunaarsuutit taakkunungalu attuumassutillit, nioqqutissiornermi periaatsit, nioqqutissiat akoortussallu sananeqaatsiminni akugisaat pillugit paasissutissat nalunaarusiallu, imaluunniit nalunaarusiat, nalunaarsuutit sananeqaatillu nassuiaatitaasa (formler) taakku assileneqarneri. Sulisillutik ajoqusersimasunik Sullissiviup Kalaallit Nunaanni eqqartuussisarnermik inatsimmi kap. 8 naapertorlugu eqqartuussisutigit killisiuisoqarnissaa piunasarisinnaavaa, taassuma imaqarniliorneqarnera pisinnaallugu, kiisalu toqusup timaanik pilattaasarneq pillugu inatsisitigut maleruagassat naapertorlugit toqusup timaanik pilattaasoqarnissaa piunasarisin-

naallugu, taamaattorli tak. § 13, imm. 2. Paasissutissat qarasaasiat aqcutigalugit piniarneqarsinnaapput.

*Imm. 3.* Peqqussut una malillugu suliarinninnissamut atugassanik Sulisillutik ajoqusersimasunik Sullissivik kommunillu sulisilluni ajoqusernerit piginnaanngorsaaqqiinerillu kiisalu sioqqutsilluni pensionisiat suliarineqartarnerannut paasissutissanik katersiffiit pilersinneqartarnerannut paasissutissiiffigeqatigiissinnaapput. Paasissutissiiffigeqatigiinneq innuttaasoq akuersiseqqaarnagu pisinnaavoq.

*Imm. 4.* Inunnut § 55, imm. 3-mi taaneqartunut tunngatillugu sulisilluni ajoquserneq tassunngalu atatillugu pisimasut pillugit paasissutissanik sukumiisunik umiarsuup allattaaviinut allattuinnisaq umiarsuup naalagaata pisussaaffigaa.

**§ 43.** Ajoqusertoq sulisilluni ajoqusernerup pereerneratigut sapinngisamik piaarnerpaamik nakorsamut inummulluunniit peqqinnissaqarfimmi taamatut misissuinnissamut piginnaatitaasumut misissortissaaq, tamannalu pereerpat nakorsap imaluunniit Sulisillutik ajoqusersimasunik Sullissiviup pisariaqarsorisaatut nakorsamut katsorsartissalluni imaluunniit sungiusaqinneqassalluni. Ajoquser-toq pisariaqassappat napparsimmavimmi assigisaaniluunniit misissugassatut uneqqusaaguni un-inngassaaq. Ajoqusertoq aammattaaq Sulisillutik ajoqusersimasunik Sullissiviup aalajangiinera malillugu nakorsamut Sulisillutik ajoqusersimasunik Sullissiviup toqqagaanut misissortissaaq, sulisinnanermut misilitsissalluni qinnuigineqarnermigullu Sulisillutik ajoqusersimasunik Sullissivimmuut oqaatsitigut nassuiaateqassalluni. Ajoquserup aalajangersagaq manna malillugu piumasaqaatit malinngippagit § 13, imm. 1-imi maleruagassaaq atuutsinneqassaaq.

*Imm. 2.* Ajoqusertoq nakorsamit katsorsarneqarnerminut il.il., tak. imm. 1, atatillugu angalanermut aningaasartuutitut akiliunneqarnissaminut pisinnaatitaavoq, nakorsamit katsorsarneqarneq il.il. Sulisillutik ajoqusersimasunik Sullissiviup piumasaqarnera malillugu pippat. Aammattaaq ajoquser-toq katsorsartinnermini il.il. sulinikkut iluanaarutissaagaluanit annaasanut uppersarsaasikkanut taartisiaqarsinnaatitaavoq, tak. imm. 1, oqaaseqatigiit aappaat pingajuilu, qimagusimaneq minnerpaamik nal. akunnerinik 2-nik sivisussuseqarsimappat. Nalunaaquttap akunnermusiap annerpaaffis-saa, ukiumut akissarsianut § 29, imm. 3-mi taaneqartunut naapertuuttoq naatsorsuinermi tunngavigineqassaaq. Ajoqusernerit pillugit suliassani aningaasartuutit sillimmasiisarfiimmit akilerneqas-sapput. Inuussutissarsiornermi nappaatigilikkat pillugit suliassani aningaasartuutit Arbejdsmark-edets Erhvervssygdomsikringip akilissavai.

*Imm. 3.* Imm. 2 aamma atuuttassaaq paasissutissat imm. 1-imi taaneqartut Ankestyrelsimit qin-nutigineqarsimatillugit.

*Imm. 4.* Sillimmasiisarfiup imaluunniit Arbejdsmarkedets Erhvervssygdomsikringip aningaasar-tuutit imm. 2 aamma 3 naapertorlugit akiliisussaanerata Sulisillutik ajoqusersimasunik Sullissivi-up imaluunniit Ankestyrelsip piumasaqaateqarneratigut pinissaanik piumasaqaat sanioqqun-neqarsinnaavoq, paasissutissat Sulisillutik ajoqusersimasunik Sullissiviup imaluunniit Ankestyrelsip pisariaqartuusorippagit. Sulisilluni ajoqusernerut tunngatillugu suliassani sillimmasiisarfiup taamaallaat akilissavai aningaasartuutit ajoqusernerup kingorna pinngortut akilerneqarsimasulluun-niit. Inuussutissarsiornermi nappaatigilikkat pillugit suliassani Arbejdsmarkedets Erhvervssyg-domssikringip taamaallaat akilissavai aningaasartuutit ajoqusernerup nalunaarutigineqarnerata, tak. § 9, imm. 2, kingorna pinngortut akilerneqarsimasulluunniit.

*Imm. 5.* Aningaasartuutit imm. 2 aamma 3 naapertorlugit akilerneqarnissaat pillugu maleruagassat Arbejdsskade styrelsip pisortaata aalajangersassavai, aammalu angalanermut il.il. qanoq annertutigi-sunik akiliisoqarsinnaanersoq ukiumoortumik nalunaarutigisassallugu.

**§ 44.** Sulisillutik ajoqusersimasunik Sullissiviup ajoqusertoqarneranik nalunaarummik, tak. § 7, ti-gusaqarenermi kingorna kingusinnerpaamik qaammatit pingasut qaangiunneranni ajoquserumut

taassumaluunniit qimataanut nalunaarutigissavaa pisimasoq peqqussummi pineqartunut ilaanersoq. Inuusutissarsiornermi nappaataalersunut § 8, imm. 1, nr. 1-imi pineqartunut tunngatillugu qaammatit 9-t piffissarititaapput. Nappaatinut § 8, imm. 1, nr. 2-mi, aamma § 8, imm. 2-mi pineqartunut piffissarititaq § 16, imm. 1-imi taaneqartoq taamaallaat atuutissaaq.

*Imm. 2.* Ajoquseruortoq ajoqusernerup nalunaarutigineqareerneratigut toquppat, toqqutaasup inatsimmi pineqartunut ilaatinneqarsinnaaneraniq qimagaasunut nalunaaruteqarnissami imm. 1-imi piffissarititaa taamatulli atuutissapput. Taamaattoqartillugu piffissarititaa toqunerup Sulisillutik ajoqusersimasunik Sullissivimmut nalunaarutigineqarneraniit naatsorsorneqassapput.

*Imm. 3.* Imm. 1 aamma 2 naapertorlugit aalajangiinissaq piffissarititaa naannginneranni pisinnaanngippat ajoquseruortoq qimagaasulluunniit tamatuminnnga ilisimatinneqassapput. Ilisimatitsissut taamaattoq tassaanngilaq aalajangiineq naammagittaalliutiginneqarsinnaasoq.

*Imm. 4.* Sulisillutik ajoqusersimasunik Sullissiviup akuersissuteqarnerminut ilutigitillugu illua'tu-ngerinnut nalunaarutigisinnavaa, sulisilluni ajoquserneq nalunaarutigineqartoq pillugu suliassaq taarsiissutitaqanngitsumik naammassineqartutut isigineqartariaqartoq.

**§ 45.** Sulisillutik ajoqusersimasunik Sullissiviup pisortaa, sulisilluni ajoqusernerit peqqussummi ilaatinneqartut pillugit suliassanut atatillugu oqaaseqaatinik Arbejdsskade styrelsimut pisarsarsiniarsinnaatitaavoq.

## Kapitali 8

### *Allaffissorneq*

#### *Aalajangiinissamut pisinnaatitaaneq*

**§ 46.** Sulisillutik ajoqusersimasunik Sullissiviup apeqqutit tamaasa peqqussut manna naapertorlugu, Arbejdsskade styrelsi sinnerlugu aalajangiiffigisassavai, allatut aalajangiisoqarsimanngippat.

*Imm. 2.* Suliassat peqqussut manna naapertorlugu sularineqartarnissaannut najoqqutassat Sulisillutik ajoqusersimasunik Sullissiviup aamma Arbejdsskade styrelsi isumaqatigiissutigisassavaat.

#### *Suliassanngortitseqqittarneq*

**§ 47.** Sulisillutik ajoqusersimasunik Sullissiviup sulisilluni ajoquserneq nalunaarutigineqartoq pillugu suliassap taarsiissutitaqanngitsumik naammassineqartutut isigineqartariaqarnera illua'tungerinnut nalunaarutigereerpagu, tak. § 44, imm. 4, inatsit naapertorlugu piunasaqaatit nalunaarutiginninnerup ullulerneqarneraniit ukiut 5-it qaangiunneranni saqqummiunneqarsinnaanngillat, Sulisillutik ajoqusersimasunik Sullissiviup taamaaliornissaq immikkut illuinnartunik pissutissaqarsorinnngippagu.

**§ 48.** Ajoqusernerup inatsimmi ilaatinneqannginneraniq § 44 naapertorlugu aalajangiinerit, aalajangiinnermiit ukiunik 5-inik piffissaliussap qaangiutinnginnerani ajoquseruortoq qimagaasulluunniit qinnuteqarnerisigut imaluunniit Sulisillutik ajoqusersimasunik Sullissiviup sulissutiginninneratigut suliassanngorteqqinneqarsinnaapput.

*Imm. 2.* Nappaatip nalunaarutigineqartup inatsimmi ilaatinneqannginnera Sulisillutik ajoqusersimasunik Sullissiviup nalunaarutigisimappagu, nappaallu taanna nappaatit allattorsimaffiannut § 8, imm. 1, nr. 1-imi taaneqartumut kingusinnerusukkut ilanngunneqarluni, taava suliassaq Sulisillutik ajoqusersimasunik Sullissiviup aalajangiineraniit ukiut 5-it sinnerlugit qaangiutereersimagaluarpatalluunniit suliassanngorteqqinneqarsinnaavoq.



**§ 49.** Taarsiissuteqarnissamik ajunngitsorsiaqartitsinissamillu apeqquutit, tak. §§-it 15, 22 aamma 23, siullermik aalajangiinermi tunngavigisat annertuumik allannguuteqarsimappata ajoquser tup qinuteqarneratigut imaluunniit Sulisillutik ajoqusersimasunik Sullissiviup sulissuteqarneratigut, aalajangiinermiit ukiut 5-it qaangiutinnginneranni suliassanngorteqqinneqarsinnaapput. Suliassanngortitseqqinnissamut piffissarititaq ukiunik 5-inik piffissaliussaq naatinnagu sivitsorneqarsinnaavoq. Taamaaliornissamut immikkut illuinnartunik pissutissaqartillugu piffissarititat sanioqqunneqarsinnaapput.

*Imm. 2.* § 22 naapertorlugu ingerlaavartumik tunniuttakkanik pisartagalik pissutsini atugarisamini allannguutit, tunniuttakkat ikililerneqarnissaannik tunniunneqartarunnaarnissaannilluunniit kinguneqarsinnaasorisani suulluunniit pillugit sillimmasiisarfiimmut, Arbejdsmarkedets Erhvervssygdomssikringimut imaluunniit Sulisillutik ajoqusersimasunik Sullissivimmut ilisimatitsissuteqartassaaq, soorluttaa q sillimmasiisarfiup, Arbejdsmarkedets Erhvervssygdomssikringip imaluunniit Sulisillutik ajoqusersimasunik Sullissiviup pisartagallip atugarisaani taamatut allannguuteqarsinnaaneq eqqumaffigissagaa.

**§ 50.** Qimagaasoq § 25, imm. 1 naapertorlugu taarsiissutinik pisartagaqarsinnaatitaasutut isigineqanngippat, pineqartup tamatuminnaga aalajangiinermik tigusaqarnerminiit ukiut 5-it qaangiutsinnaagit, taarsiissutit pillugit apeqquutip suliassanngorteqqinneqarnissaa qinnutigisinnaavaa. Taamatutaaq qimagaasup § 25, imm. 1, tak. imm. 2, naapertorlugu taarsiissutinik pisartagaqartussanngortitaasimasup, ingerlaavartumik tunniuttakkat piffissami aalajangersimasumik sivissussilimmi tunniunneqaqqittalernissaat anguniarlugu suliassanngortitseqqinnissaq tunniuttakkat unitsinneqarneranniit ukiut 5-it qaangiutsinnagit qinnutigisinnaavaa.

#### *Naammagittaalliorsinnaaneq*

**§ 51.** Sulisillutik ajoqusersimasunik Sullissiviup § 46 naapertorlugu aalajangiineri ukunangga Ankestyrelsimut suliassanngortinneqarsinnaapput

- 1) ajoquser tumit taassumaluunniit qimataanit,
- 2) ajoquser nerni suliassat pineqartillugit sillimmasiisarfiimmit,
- 3) inuussutissarsiornermi nappaatigilikkat pineqartillugit Arbejdsmarkedets Erhvervssygdomssikringimit aamma
- 4) sulisilluni ajoquser nerit akuersissutigineqarneri pillugit aalajangiinerit pineqartillugit sulisitsisumit, tak. § 44.

*Imm. 2.* Inuussutissarsiummut sumut ataneq, tak. § 55, imm. 7, aamma § 56, imm. 1 aamma 4, pillugu Sulisillutik ajoqusersimasunik Sullissiviup aalajangiineri Arbejdsmarkedets Erhvervssygdomssikringip Ankestyrelsimut suliassanngortissinnaavai.

*Imm. 3.* Imm. 1 aamma 2 naapertorlugit naammagittaalliuut naammagittaalliuuteqartup, tak. imm. 1, nr. 2-miit 4-mut, aalajangiinermik tigusineraniit sap.ak. 4-t qaangiutsinnagit nassiuunneqassaaq. Ajoquser tumut qimagaasunulluunniit tunngatillugu piffissaliussaq tassaavoq sap.ak. 6-it. Ajoquser toq qimagaasulluunniit Europap avataaniikkallar pata piffissaliussaq tassaavoq qaammatit 3-t.

*Imm. 4.* Ankestyrelsip naammagittaalliuuteqarnissamut killissarititat immikkut ittunik pissutissaqartillugu sanioqqussinnaavai.

*Imm. 5.* Sulisitsisoq, sillimmasiisarfik imaluunniit Arbejdsmarkedets Erhvervssygdomssikring Sulisillutik ajoqusersimasunik Sullissiviup aalajangiineranik Ankestyrelsimut suliassanngortitsippat naammagittaalliuuteqarneq kinguartitsigallarnermik sunniuteqassaaq.

*Imm. 6.* Ankestyrelsi imm. 1 aamma 2 naapertorlugit naammagittaalliummik suliaqartinnagu Sulisillutik ajoqusersimasunik Sullissiviup nalilissavaa naammagittaallior toq tamakkiisumik ilaan-

nakuusumilluunniit tapersissallugu tunngavissaqarnersoq. Naammagittaalliuut tamanna pissutigalugu Sulisillutik ajoqusersimasunik Sullissivimmuut nassiunneqassaaq.

*Imm. 7.* Sulisillutik ajoqusersimasunik Sullissiviup naammagittaalliortoq tapersersinnaanngippagu, naammagittaalliuut aalajangiinermut tunngavilersuummik nalileeqqinnermillu ilaqartillugu Ankestyrelsimut ingerlateqqinneqassaaq.

*Imm. 8.* Naammagittaalliuutit suliarineqartarnerat pillugu maleruagassat, matumani aamma naammagittaalliuutinik il.il. nassiussinissamut ingerlatitseqqinnissamullu piffissarititat pillugit maleruagassat suliassaqartitsinermut ministerip aalajangersassavai.

**§ 52.** Arbejdsmarkedets Erhvervssygdomssikringip peqqussut manna naapertorlugu aalajangiineri pillugit naammagittaalliuutit aalajangiinerup nalunaarutigineqarneraniit sap.ak. 4-t qaangiutsinnagit naammagittaalliuuteqartarfimmuut suliassanngortinneqarsinnaapput, tak. sulisilluni ajoqusersinnaanermut isumannaarineq pillugu inatsimmi § 45.

**§ 53.** Forsikring & Pension sulisilluni ajoqusernerit pillugit suliani, Sulisillutik ajoqusersimasunik Sullissiviup § 55, imm. 7-imut aamma § 59-imut atatitaani § 51-imi taaneqartutuut naammagittaalliuuteqarsinnaatitaavoq.

#### *Ingerlatsinermut tapiissutit*

**§ 54.** Suliassaqartitsinermut ministereqarfik ukiumoortumik ingerlatsinermut tapissutinik Sulisillutik ajoqusersimasunik Sullissivimmuut tapissuteqartassaaq suliassaqartitsinermut ministerip malit-tarisassiaasigut naleqqussagaasartunik.

#### Kapitali 9

*Sulisitsisoq isumannaarinissamut pisussaaffilik namminersorlunilu inuussutissarsiummik ingerlataqartoq peqqussut naapertorlugu imminut isumannaariffigisoq*

**§ 55.** Sulisitsisoq kinaluunniit inunnik § 2-mi taaneqartunik sulisoqartoq peqqussut naapertorlugu pisussaavoq inunnik taakkuninnga isumannaarinissamut, taamaattorli tak. imm. 3, 6 aamma 7. Sulisitsisup imm. 1-imi 3-milu taaneqartup isumannaarinninnissamut pisussaaffini sulisilluni ajoqusernerit kingunerisassaannut sillimmasernermigut, tak. § 57, aammalu inuussutissarsiornermi nappaatigilikkat kingunerisassaannut sillimaniarluni Arbejdsmarkedets Erhvervssygdomssikringimut ilanngunnermigut naammassissavaa, tak. § 63.

*Imm. 2.* Namminersorlutik inuussutissarsiummik ingerlataqartut inatsit naapertorlugu imminnut isumannaariffigisinnaapput. Namminersorlutik inuussutissarsiummik ingerlataqartut sulisilluni ajoqusernerit kingunerisassaannut sillimmasernermikkut, tak. § 57, aammalu inuussutissarsiornermi nappaatigilikkat kingunerisassaannut sillimaniarlutik Arbejdsmarkedets Erhvervssygdomssikringimut ilanngunnermikkut, tak. § 63, imminnut isumannaariffigissapput.

*Imm. 3.* Umiarsuarmik Kalaallit Nunaanni angerlarsimaffeqartumik, Det Danske Skibsregisterimi imaluunniit Dansk Internationalt Skibsregisterimi nalunaarsorneqartumik imaluunniit nalunaarsorneqartussamik piginnittoq inunnik § 2-mi pineqartunik, umiarsuup naalagaata umiarsuarmi suliassiisutaanik suliaqartussatut sulisussarsiarineqartunik kikkunnilluunniit isumannaarinissamut pisussaataitaavoq, pineqartup umiarsuup piginnittuanit allanilluunniit atorfinitsinneqarsimalluniluunniit akissarsiaqartinneqarnera apeqqutaatinnagu, aammalu suliat umiarsuup ingerlanneranut tunnganatik allanut tunngasuugaluarpataluunniit.

*Imm. 4.* Kinaluunniit umiarsuarmik tamakkiisumik ilaannakuusumilluunniit piginnittoq tassanilu suliaqartuusooq imminut isumannaariffigisussaavoq, umiarsuaq nuannariinnarlugu sukisaarsaataanartut atorneqartanngippat. Imminermit isumannaarinissamut pisussaatitaaneq naammassineqasaaq sulisilluni ajoqusernerit aamma inuussutissarsiornermi nappaatigilikkat kingunerisassaannut Ataatsimoortunut Sillimmasiinermit sillimmasernikkut, tak. §§-it 70-imiit 72-imut.

*Imm. 5.* Kinaluunniit nammineq akisussaaffigalugu allanilluunniit peqateqarluni inuussutissarsiu-tigalugu aalisarnermik, piniarnermik aallaaniarnermik assigisaanillu kiisalu savaateqarnermik ingerlataqartoq pisussaavoq ingerlatamini nammineq peqataanermit annertussusia naapertorlugu imminut isumannaariffiginissaminut. Inuit inuussutissarsiutini taaneqartuni sulisuusut sulisitsisuisa imminerminnut sulisorisaminnullu isumannaarinissamik pisussaatitaanertik naammassissavaat sulisilluni ajoqusernerit aamma inuussutissarsiornermi nappaatigilikkat kingunerisassaannut Ataatsimoortunut Sillimmasiinermit sillimmasermermikkut, tak. §§-it 70-imiit 72-imut.

*Imm. 6.* Naalagaaffik, Namminersorerullutik Oqartussat kommunillu sulisilluni ajoqusernerit kingunerisassaannut sillimmasiinissamut pisussaannngillat, tak. § 57.

*Imm. 7.* Isumannaarinissamut pisussaanermit pineqanngillat nammineq illugisami ikiortitut sulisorisat, taakkua sulinerat tamarmiusoq qaammatisiutit malillugit ukiumut nal. akunnerinit 400-nit annertunerunngippat. Sulisorisat taakku sulisillutik ajoqusernerini aningaasartuutit Sulisillutik ajoqusersimasunik Sullissivimmit siumoortumik tunniunneqassapput, qaammatisiutillu malillugit ukiumi tamani agguanneqartassallutik sillimmasiisarfinnut sulisilluni ajoqusernissamut sillimmasiiffusartunut tamanut. Aningaasartuutit Arbejdsskade styrelsen Finansstilsyni suleqatigalugu, sulisilluni ajoqusersinnaanermit isumannaarineq pillugu inatsimmi § 48, imm. 6, oqaaseqatigiit pingajuat naapertorlugu maleruagassiai naapertorlugit agguanneqartassapput. Sulisorisat taakku inuussutissarsiornermit nappaatigiligaannut aningaasartuutit Arbejdsmarkedets Erhvervsstyrelsen sikkimmit akilerneqassapput. Sulianut sunut ataneq Sulisillutik ajoqusersimasunik Sullissiviup aalajangissavaa, sunniutit suunerat qanorlu annertutiginerat piffissallu taakku atuuffiisa sivilissusiat naatsorsuutigalugit. Taava Arbejdsmarkedets Erhvervsstyrelsen sikkimmit aningaasartuutit inuussutissarsiummut attuumassuteqarfiannut ilanngutissavai.

**§ 56.** Ajoqusertoqartillugu aningaasartuutit sulisitsisup isumannaarininnissamut pisussaatitaasup sillimmasiisarfiarit imaluunniit Ataatsimoortunut Sillimmasiinermit akilerneqassapput. Inuussutissarsiornermit nappaatigilikkanut tunngatillugu aningaasartutit Arbejdsmarkedets Erhvervsstyrelsen sikkimmit akilerneqassapput. Tamanna aamma atuuppoq nammineq piuumassutsiminnik § 55, imm. 2 naapertorlugu isumannaarinittut pineqartillugit. Suliamut sumut ataneq Sulisillutik ajoqusersimasunik Sullissiviup aalajangissavaa, sunniutit suunerat qanorlu annertutiginerat piffissallu taakku atuuffiisa sivilissusiat naatsorsuutigalugit. Arbejdsmarkedets Erhvervsstyrelsen sikkimmit aningaasartuutit inuussutissarsiummut attuumassuteqarfiannut ilanngutissavai.

*Imm. 2.* Sulisitsisoq ajoquser tumut isumannaarininnissamut pisussaatitaasooq tassaavoq sulisitsisoq, suliffeqarfimmik suliarititaanilluunniit sulisilluni ajoquserfiusumik ingerlataqartoq, taamaattorli tak. imm. 3 aamma § 55, imm. 3 aamma 7. Sulisilluni ajoquserneq sulisitsisunut arlaqartunut attuumatinneqarsinnaappat Sulisillutik ajoqusersimasunik Sullissiviup aalajangissavaa sulisitsisoq sorleq isumannaarininnissamut pisussaatitaanersoq.

*Imm. 3.* Ajoquser tumut aamma nammineq piuumassutsiminik isumannaarinittumut inuussutissarsiornermit nappaateqalersumut sulisitsisoq isumannaarininnissamut pisussaatitaasooq tassaavoq suliffeqarfimmi, pineqartup nappaateqalernerata paasineqarnera kingusinnerpaamik sioqqullugu ajoqusiinnaasumik nappaammik pineqartumik kinguneqarsimasorineqartumik sunnertiffigisimasaani sulisitsisoq. Tamannali atuutissanngilaq nappaatip suliffeqarfimmi allami sulinermit pissuteqarnera uppersarnerpat.

*Imm. 4.* Sulisitsisoq imm. 3 naapertorlugu isumannaarinninnissamut pisussaatitaasoq naammagi-nartumik qularnaassusilimmik toqqarneqarsinnaanngippat, imaluunniit suliffeqarfik atorunnaarsi-mappat Sulisillutik ajoqusersimasunik Sullissiviup aalajangissavaa ajoquserneq suliamut sumut atassanersoq. Suliamut sumut atanermik Sulisillutik ajoqusersimasunik Sullissiviup aalajangiinis-saa, ajoquserneq namminerluunniit piumassutsiminik isumannaarinnittup sunnigaaneri nappaammik pineqartumik kinguneqarsorineqartut suliami sumi pisimanerunerannik naliliilluarnikkut pissaaq. Naliliinermi tunngavigisanut ilaatinneqassapput sunniutit suunerat, qanoq annertutiginerat piffissar-lu taakkua atuuffiat.

*Imm. 5.* Ajoquserneq inuit isumannaariffigineqartut inuit inuunerannik annaassiniarnerisa kingu-nerisaanik pisimappat, tak. § 4, imm. 2, nr. 3, sillimmasiisarfiup imaluunniit Arbejdsmarkedets Erhvervssygdomsringip tunniussimasai naalagaaffiup karsianit utertinneqassapput.

*Imm. 6.* Aamma inuk peqqussut naapertorlugu isumannaariffigineqarsimangitsoq inuup inuune-ranik annaassiniartilluni ajoquserpat, tak. § 4, imm. 2, nr. 4, peqqussut naapertorlugu tunniunneqar-simasut naalagaaffiup karsiata akilissavai.

*Imm. 7.* Pisuni imm. 5-imi 6-imilu pineqartuni ajoquserneq ukiumut akissarsiai peqqussummi ma-leruagassat nalinginnaasut naapertorlugit naatsorsorneqassapput.

*Imm. 8.* Ajoqusernerit inuiaqatigiinnik kiffartuussinerup imaluunniit kommunimi qinigaaneq tun-gavigalugu sulinerup kingunerisai ajoquserneqartillugu peqqussut naapertorlugu tunniunneqarsi-masut naalagaaffimmit, Namminersornerullutik Oqartussanit kommuninillu akilerneqassapput. Inuussutissarsiormi nappaateqartoqalersillugu ajoqusernerneq taamaattunut peqqussut naapertor-lugu tunniunneqartartut Arbejdsmarkedets Erhvervssygdomsringip akilissavai.

## Kapitali 10

### *Isumannaarinninnissamut pisussaatitaaneq*

#### *Sillimmasiineq*

**§ 57.** Sulisitsisut isumannaarinninnissamut pisussaatitaasut, tak. § 55, aamma nammineq piumas-utsiminnik § 55, imm. 2 naapertorlugu isumannaarinnissimasut ajoqusernissamut aarlerinaateqar-sinnaasunut pisussaaffitik sillimmasiisarfimmut, peqqussut manna naapertorlugu ajoqusernissamut sillimmasiisarfiusumut nuussavaat, Ataatsimoortunut Sillimmasiinerneq ilaasortaannikkunik, tak. §§-it 70-imiit 72-imut.

**§ 58.** Sulisitsisoq inatsit malillugu sillimmasiisussaagaluarluni sillimmasiinngitsoq sillimmasiis-summilluunniit taamaattumik atuutsitsinngitsoq sillimmasiisarfimmut akiliutissamut akilerneqarsi-masussaagaluartumut naapertuuttumik akiliuteqassaaq. Akiliutissap annertussusissaa Sulisillutik ajoqusersimasunik Sullissiviup aalajangissavaa. Aningaasat Sulisillutik ajoqusersimasunik Sullissi-vik aqqutigalugu Arbejdsskadestyrelsimut akilerneqassapput, maleruagassallu Arbejdsskadestyrel-sip Finanstilsyni suleqatigalugu aalajangersagai naapertorlugit sillimmasiisarfimmut sulisilluni ajo-qusersinnaanermut sillimmasiiffiusartunut tamanut pisassanngortinneqassallutik, tak. sulisilluni ajoqusersinnaanermut isumannaarineq pillugu inatsimmi § 51. Sulisitsisup aningaasat akiligassan-ngorsimasut akilinngippagit Kalaallit Nunaanni eqqartuussisarnermik inatsimmi kap. 7-imi maleru-agassat naapertorlugit akilersinniarneqarsinnaapput.

**§ 59.** Sulisilluni ajoquserneqarsimappat sulisitsisullu isumannaarinninnissamut pisussaaffini sil-limmasiinerneq taamaattumik naammassisimangippagu, Sulisillutik ajoqusersimasunik Sullissiviup aningaa-

sartuutit § 11-mi, § 40, imm. 4-mi 5-imilu aamma §§-ini 43-mi 67-imilu taaneqartut siumoortumik akilissavai.

*Imm. 2.* Sulisitsisup aningaasat tunniunneqarsimasut, tak. imm. 1, Sulisillutik ajoqusersimasunik Sullissivimmuut utertissavai, sulisitsisoq tamakkiisumik ilaannakuusumilluunniit akiliuteqanngitsoortitaanissamut utoqqatsissutissaqartutut Sulisillutik ajoqusersimasunik Sullissiviup isumaqarfiginngippagu. Sulisillutik ajoqusersimasunik Sullissiviup aningaasat Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai.

*Imm. 3.* Sulisillutik ajoqusersimasunik Sullissiviup naleqquttuusorinninnini naapertorlugu sulisitsisoq aningaasanik akiligassaanik isumakkeerfigisinnaavaa.

*Imm. 4.* Aningaasat Sulisillutik ajoqusersimasunik Sullissiviup imm. 1 naapertorlugu tunniussimasai § 55, imm. 7, oqaaseqatigiit aappaanni pingajuinilu maleruagassat naapertorlugit, aningaasanik imm. 2 naapertorlugu utertinneqarsimajunnartunik ilanngarlugit sillimmasiisarfimmut sulisilluni ajoqusersinnaanermut sillimmasiiffiusartunut tamanut agguanneqassapput.

*Imm. 5.* Suliffeqarfik sulisilluni ajoquserfiusoq atorunnaarsimappat, sillimmasiisarfimmillu toqqaasoqarsinnaanngippat imm. 1-imi 4-milu maleruagassat taamatuttaaq atuutsinneqassapput.

**§ 60.** Sillimmasiisarfiup sulisitsisup isumannaarinninnissamut pisussaataasup namminersorluniluunniit inuussutissarsiummik ingerlataqartup aarlerinartorsiorfigisinnaasai tigusimagunigit, tak. § 57, sillimmasiisarfik akiliisussanngussaaq, sillimmasiineq pillugu isumaqatigiissuteqarnermi akissusaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

**§ 61.** Sulisilluni ajoqusersinnaanermut inatsisit malillugit sillimmasiisussaanermut akiliutissat piffissaq eqqorlugu akilernerqarsimanngippata sillimmasiisarfiup aningaasat Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai.

**§ 62.** Sulisilluni ajoqusersinnaanermut sillimmasiissutit sillimmasiisarnermik ingerlataqarneq pillugu inatsimmi § 250, imm. 2 naapertorlugu Arbejdsskade styrelsesimit aqutassanngortinneqarsimappata ajoqusernerit, ullup sillimmasiisarfiup atorunnaarfiata kingornatigut sillimmasiisarfimmut nalunaarutigineqartut tamarmik Arbejdsskade styrelsesimut nassiunneqassapput. Tamatumunnga peqatigitillugu aningaasaatit sillimmasiisarfiup, aningaasaqarnermik ingerlataqarneq pillugu inatsit naapertorlugu immikkoortissimasai, sillimmasiisarfiullu atorunnaarnerata nalaani peqqussut naapertorlugu sillimmasiissutitut pigisaanut tunngasuusut Arbejdsskade styrelsesimut tunniunneqassapput.

*Imm. 2.* Sillimmasiissutit aqunneqarnerannut atatillugu aningaasartuutit Arbejdsskade styrelsesimit siumoortumik tunniunneqartassapput, qaammatisiutillu malillugit ukiuni tamani sillimmasiisarfinnut, sulisilluni ajoqusersinnaanermut sillimmasiiffiusartunut tamanut, sulisilluni ajoqusersinnaanermut isumannaarineq pillugu inatsimmi § 48, imm. 6, oqaaseqatigiit aappaanni pingajuannilu maleruagassat naapertorlugit agguataarneqassallutik. Aningaasaatit tunniunneqarsimasut maleruagassat taakku malillugit agguataarneqassapput.

#### *Arbejdsmarkedets Erhvervssygdomsringimut ilanngunneq*

**§ 63.** Sulisitsisut isumannaarinninnissamut pisusaataasut, tak. § 55, aamma nammineq piumasutsiminnik § 55, imm. 2 naapertorlugu isumannaarinnittut Arbejdsmarkedets Erhvervssygdomsringimut akiliuteqartassapput, tak. § 69, Ataatsimoortunut Sillimmasiinerimut ilaasortaannigkunik, tak. §§ 70-imiit 72-imut.

*Imm. 2.* Arbejdsmarkedets Erhvervssygdomsringi sulisitsisumut isumannaarinninnissamut pisussaataasumut namminersorluniluunniit inuussutissarsiummik ingerlataqartumut aarlerinaataa-

sinnaasunik tiguisimappat Arbejdsmarkedets Erhvervssygdомssikringi akiliisussannгussaaq, sulisitsisup isumannaarinninnissamut pisussaatitaasup namminersorluniluunniit inuussutissarsiummik ingerlataqartup akiliutissaasa annertussusilerneqarneranni akisussaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

*Imm. 3.* Isumannaarinninnissamut pisussaatitaasooq, sillimmasiisarfik pisortallu oqartussaasut qinuigineqarnermikkut inatsit naapertorlugu akiliutissat annertussusilerneqarnissaannut pingaarutilinik paasissutissanik Arbejdsmarkedets Erhvervssygdомssikringimut tunniussissapput. Tamanna aamma atuuppoq nammineq piumassutsiminnik § 55, imm. 2 naapertorlugu isumannaarinnittunut. Paasissutissanik Arbejdsmarkedets Erhvervssygdомssikringimut tunniussisussaatitaaneq atuutinnigilaq nipangiussisussaatitaaneq inatsisitigut allatigut immikkut aalajangersaavigineqarsimappat.

*Imm. 4.* Akiliutissat akilersinniarnernannut aamma inuussutissarsiornermi nappaatigilikkat pillugit nalunaarutit suliarineqarnissaannut atugassatut Arbejdsmarkedets Erhvervssygdомssikringip, Arbejdsmarkedets Tillægspensionip sulisitsisunut inunnullu nalunaarsuiffiani paasissutissat, Arbejdsmarkedets Tillægspensionip ATP-mut akiligassiisutitut sulisitsisut akilersimasaannik allattorsimaffiutaani paasissutissat kiisalu sulisitsisunut tunngasunik aamma Arbejdsmarkedets Tillægspensionip akissarsiortunut nalunaarsuiffiani inuit ATP-mut akiliutigisimasaat pillugit paasissutissat qaraasaat aqutigalugit pissarsiarisinnaavai.

**§ 64.** Arbejdsmarkedets Erhvervssygdомssikringip siulersuisuisa akiliutissat akilernissaat, matumani aamma akiliinissamut piffissarititaq, pillugit maleruagassat erseqqinnerusut aalajangersassaavaat. Maleruagassiatigut taakkunuunatigut aalajangerneqarsinnaavoq Arbejdsmarkedets Erhvervssygdомssikring akiliutissat akilerneqannginnerat pissutigalugu suliarinninnermut akileeqquisinnaasooq aammalu akiliutissanik kinguartsisinnaasooq kiisalu akiliutissat, erniat suliarinninnermullu akiliutissat akilerneqarnissaannik isumakkeerinnissinnaasooq.

*Imm. 2.* Akiliutissat piffissaatillugu akilerneqanngippata isumannaarinninnissamut pisussaatitaasooq aammalu nammineq piumassutsiminik § 55, imm. 2 naapertorlugu isumannaarinnittoq akiliutissat ullormit akilerneqartussanngorfianniit erniaannik, kingusinaarluni akiliinermi il.il. ernialersuisarneq (pillaammik ernialersuisarneq) pillugu inatsimmi, Kunngip peqqussutaatigut Kalaallit Nunaanni atuuttussanngortinneqarsimasumi § 5 naapertorlugu sukkulluunniit annertussusilerneqartarunik, akiliissaaq.

*Imm. 3.* Akiliutissat piffissaatillugu akilerneqanngippata aningaasat Arbejdsmarkedets Erhvervssygdомssikringip, Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsinnaavai.

*Imm. 4.* Piumasarisat Arbejdsmarkedets Erhvervssygdомssikringip kapitali manna naapertorlugu pisassarisai, pisassarisat ilaasa pisoqalisootarnerannik inatsimmi nr. 274, 22. december 1908-meersumi, pigisanut tunngatillugu eqqartuussisarnermi inatsisit il.il. ilaasa Kalaallit Nunaanni atuuttussanngortinneqarnerat pillugu inatsisikkut nr. 104, 31. marts 1965-imeersukkut atuutilersinneqarsimasumi maleruagassat naapertorlugit pisoqalisassapput.

*Imm. 5.* Arbejdsmarkedets Erhvervssygdомssikringi Kalaallit Nunaanni akileraartarnermut oqartussaasunit aammalu Namminersorerullutik Oqartussani oqartussaasunit allanit, isumannaarinninnissamut pisussaatitaasooq aamma nammineq piumassutsiminik § 55, imm. 2 naapertorlugu isumannaarinnittoq pillugit paasissutissanik, akiligassat akilinningsuukkat, erniat suliarinninnermullu akiliutissat akilersinniarnernannut pisariaqartinneqartunik, matumani aamma aningaasarsianut pigisanullu tunngasut pillugit paasissutissanik pissarsiniarsinnaavoq.

**§ 65.** Inuussutissarsiornermi nappaateqartoqalersimappat, sulisitsisorlu isumannaarinninnissamut pisussaatitaasooq akiliutissamik akiliisimangippat Arbejdsmarkedets Erhvervssygdомssikringip

anigaasartuutit § 11-mi, § 40, imm. 4-mi 5-imilu aamma §§-ini 43-mi 67-imilu taaneqartut siu-  
moortumik akilissavai.

*Imm. 2.* Sulisitsisup anigaasat tunniunneqarsimasut Arbejdsmarkedets Erhvervssygdomssikringi-  
mut utertissavai, tak. imm. 1, pineqartup tamakkiisumik ilaannakuusumilluunniit akiliuteqanngit-  
soortitaanissamut utoqqatsissutissaqarnera Sulisillutik ajoqusersimasunik Sullissivimmit nalilerne-  
qanngippat.

*Imm. 3.* Sulisillutik ajoqusersimasunik Sullissiviup naapertuuttuosorinninnini naapertorlugu suli-  
sitsisoq anigaasat akilernissaannik isumakkeerfigisinnaavaa.

*Imm. 4.* Anigaasat Arbejdsmarkedets Erhvervssygdomssikringip imm. 1 naapertorlugu akilersi-  
masai § 55, imm. 7, oqaaseqatigiit sisamaanniit arfernannut maleruagassat naapertorlugit, aningaa-  
sat imm. 2 naapertorlugu utertitsissutaasimasinnaasut ilanngaatilugit agguataarneqassapput.

*Imm. 5.* Arbejdsmarkedets Erhvervssygdomssikringip anigaasat aqqissuussinermut 1. januar  
1999-ip kingornatigut akilerneqarsimasussanut naapertuuttut sulisitsisumut akilersinniarsinnaavai.

*Imm. 6.* Imm. 2 naapertorlugu utertitassatut piumasarisat, taakku § 68 naapertorlugu erniaat kiisa-  
lu imm. 5 naapertorlugu utertitassatut piumasarisat taakkulu § 64, imm. 2 naapertorlugu erniaat pif-  
fissaatillugu akilerneqanngippata anigaasat Arbejdsmarkedets Erhvervssygdomssikringip, Kalaallit  
Nunaanni eqqartuussisarnermik inatsimmi kap. 7-imi maleruagassat naapertorlugit akilersinniarsin-  
naavai. Taamatuttaaq § 64, imm. 5-imi maleruagassaq atuutsinneqassaaq.

*Arbejdsmarkedets Erhvervssygdomssikringimut akiliutissat  
tamarmiusut annertussusilerneqartarnerat*

**§ 66.** Sulisitsisut isumannaarinninnissamut pisussaataitaasut, aamma nammineq piumasutsiminnik  
§ 55, imm. 2 naapertorlugu isumannaarinnittut inuussutissarsiormi nappaatigilikkat kinguner-  
sassaannut inatsit malillugu isumannaarinnermut anigaasartuutit Arbejdsmarkedets Erhvervssyg-  
domssikringimut akiliutissamik akiliisarnermikkut matussusissavaat.

*Imm. 2.* Sulisitsisup isumannaarinninnissamut pisussaataitaasup aamma nammineq piumasutsimi-  
nik § 55, imm. 2 naapertorlugu isumannaarinnittup akiliutissaasa annertussusissaat Arbejdsmar-  
kedets Erhvervssygdomssikringip siulersuisuisa aalajangersassavaat. Akiliutissat sulisitsisup nammi-  
nersorluniluunniit inuussutissarsiummik ingerlataqartup pineqartup suliamut sumut atanera, aala-  
jangersimasumik sulisorisaasa amerlassusiat aamma anigaasartuutigiumaagassaatut ilimagisat  
tunngavigalugit aalajangersarneqassapput.

*Imm. 3.* Arbejdsmarkedets Erhvervssygdomssikringip siulersuisuisa akiliutissanik aalajangersaa-  
nerminni pisussaaffigaat, aarlerinaataasinnaasunik inatsit naapertorlugu isumannaarinnermut pisaria-  
qartunik matussusiinissap saniatigut aamma isumannaatsumik aqutsinissamut pisariaqartut taamaal-  
laat akiligassiisutigineqarnissaat. Taakku naatsorsornissaannut maleruagassat erseqqinnerusut Fi-  
nanstilsynip aalajangersarsinnaavai.

*Imm. 4.* Kiisalu Arbejdsmarkedets Erhvervssygdomssikringip akiliutissanut ilanngullugit akiliga-  
siisutigissavai akileraarutit il.il., taakku inatsimmi matumani inatsisiniluunniit allani aalajangersar-  
neqarsimanerat apeqqutaatillugu.

*Aqutsinermut akiliuteqarneq ernialiinerillu pillugit ataatsimut aalajangersakkat*

**§ 67.** Sillimmasiisarfiit sulisilluni ajoqusersinnaanermut sillimmasiiffiusartut aamma Arbejdsmar-  
kedets Erhvervssygdomssikring, Sulisillutik ajoqusersimasunik Sullissiviup aamma Ankestyrelsi-  
pissutsinik inatsimmi pineqartunik, pineqartunullu tunngassuteqartunik aqutsinerannut akiliuteqas-  
sapput. Akiliisarneq taakkuninngalu akiligassiisarneq pillugit maleruagassat Arbejdsskadestyrelsi-  
pisorlaata aalajangersassavai.

*Imm. 2.* Arbejdsskadestyrelsen pisortaata sillimmasiisarfiit imm. 1-imi taaneqartut aamma Arbejdsmarkedets Erhvervssygdomssikring kisitsisinnngorlugit paasisutissanik assigisaannillu pissarsiniaqqullugit peqqusinnaavai.

**§ 68.** Aningaasat Sulisillutik ajoqusersimasunik Sullissiviup § 55, imm. 6, aamma § 59, imm. 1 aamma 5 naapertorlugit, imaluunniit Arbejdsmarkedets Erhvervssygdomssikringip § 65 naapertorlugu siumoortumik akilerallarsimasaat ukiumoortumik ernianik, aningaasat niuerutigiissutaaneranni Nationalbankip ullormiit ullormut ernialiuttagaasa agguaqatigiissinnerannut naapertuuttunik ernialersorneqassapput. Erniat Arbejdsskadestyrelsen pisortaata sulisilluni ajoqusersinnaanermut isumannaarineq pillugu inatsimmi § 60, imm. 1 naapertorlugu maleruagassiai naapertorlugit naatsorsorneqassapput.

#### *Arbejdsmarkedets Erhvervssygdomssikring*

**§ 69.** Sulisilluni ajoqusersinnaanermut isumannaarineq pillugu inatsimmi kapitali 11-mi Arbejdsmarkedets Erhvervssygdomssikring pillugu maleruagassat katitigaaneq, suliassat, aqutsineq, aktu-arimut tunngassuteqartut, ukiumoortumik naatsorsuutit kukkunersuisarnerlu, aningaasalersuinermi maleruagassat aammalu nakkutilliineq eqqarsaatigalugit taamatulli atuutsinneqassapput.

#### *Ataatsimoortunut Sillimmasiineq pillugu immikkut*

**§ 70.** Inunnut, inuussutissarsiutini § 55, imm. 5-imi taaneqartuni sulisuusunut sulisitsisut isumannaarinninnissamut pisussaataasut Ataatsimoortunut Sillimmasiinermit ilaasortaapput.

*Imm. 2.* Sulisitsisut peqqussut manna naapertorlugu imminnut isumannaariffiginnittussaataasut, tak. § 55, imm. 4 aamma 5, isumannaarinninnermi pisussaaffii Ataatsimoortunut Sillimmasiinerup aammattaaq nangissavai.

*Imm. 3.* 15 meterinik taakkunanngalu takinerusunik kilisaataatillit Ataatsimoortunut Sillimmasiinermit ilaasortaannngillat.

*Imm. 4.* Sulisillutik ajoqusersimasunik Sullissivik Ataatsimoortunut Sillimmasiinermit isumannaarinnittarfiuvoq. Peqqussummi uani § 60-imi malittarisassaq Ataatsimoortunut Sillimmasiinermit taamatutaaq atuuppoq.

**§ 71.** Inuit Ataatsimoortunut Sillimmasiinermi § 70, imm. 1-imi 2-milu taaneqartumi ilaatinneqartut akiliutissaasa annertussusissaat suliassaqtitsinermit ministerip, Sulisillutik ajoqusersimasunik Sullissiviup inassuteqarneratigut aalajangersassavai.

*Imm. 2.* Akiliutit akilerneqartut taarsiissutissatigut pisussaaffinnik matusissutaasinnaannngippata aningaasat amigaataasut naalagaaffimmit akilerneqassapput.

*Imm. 3.* Naalagaaffik inuit § 70, imm. 1-imi 2-milu pineqartut sulisilluni ajoqusersinnaanermut sillimmasiinermit akiliutissaannik appartitsinissamut tapiissuteqartassaaq. Tapiissutit taamaallaat suliffeqarfiit inummit ataatsimit ingerlanneqartut sillimmasiinermit akiliutissaannut tunniunneqartassapput, aammalu § 55, imm. 4 naapertorlugu imminut isumannaariffiginermut aamma suliffeqarfiup sulisorisaanik imm. 5 naapertorlugu isumannaarinninnermit tunniunneqartassallutik.

*Imm. 4.* Tapiissutit akiliutissap 2/5-iisut annertutigisut maleruagassat Arbejdsskadestyrelsen pisortaata aalajangersagai naapertorlugit tunniunneqartassapput.

**§ 72.** Arbejdsskadestyrelsen pisortaata akiliutissanik akiligassiisarneq pillugu maleruagassat Sulisillutik ajoqusersimasunik Sullissivik isumaqatiginiareerlugu aalajangersassavai. Sulisut isumannaariffigineqarnissaannut akiliutissat akilerneqareersussannngorsimasut Kalaallit Nunaanni eqqartuussi-



sarnermik inatsimmi kap. 7-imi maleruagassat naapertorlugit akilersinniarneqarsinnaapput. Tamanna aamma atuuppoq sulisunut ajoqusersimasunut akiliutigineqarsimasunut. Peqqussummi § 59, imm. 1-imiit 3-mut atuupputtaaq sulisunut ajoqusersimasunut akiliutigineqarsimasunut, sulisitsisoq Ataatsimoortunut Sillimmasiinermit akiligassamik akiliisimangikkaangat.

## Kapitali 11

### *Aalajangersakkat assigiinngitsut*

§ 73. Peqqussut naapertorlugu pisartagarititat ajoqusiisumut, ajoqusertumut taassumaluunniit qimataanut taarsiisussanngortitaasimasumut akilersinniarneqarnissaat piumasarineqarsinnaanngilaq. Ajoqusertumut taassumaluunniit qimataanut peqqussut manna naapertorlugu pisartagaritinneqartut akilerneqarsimappata akilerneqarnissaannulluunniit pisussaatitaasoqarpat, pineqartut taarsiisuteqartussaataasumut piumasaqaataat ikililerneqassapput.

§ 74. Isumannaarinninnissamut pisussaatitaasup aammalu tunineqarsinnaatitaasup akornanni isumaqatigiissutit atuussinnaatitaassanngillat peqqussummi aalajangersakkat atuutinnginnissaannik, imaluunniit tunineqarsinnaatitaasut sillimmasiinermit akiliutissamik sillimmasiisarfimmut imaluunniit akiliutissamik Arbejdsmarkedets Erhvervssygdomssikringimut, isumannaarinninnissamut pisussaatitaasup peqqussut naapertorlugu akiligassarisaanik akiliuteqarnissaannik, imaluunniit pinngitsoorani pisartagassat peqqussut naapertorlugu naatsorsorneqannginnissaannik kinguneqasappata kinguneqarpataluunniit. Taamatuttaaq peqqussut naapertorlugu isumannaarinissaq pissutigalugu akissarsianit unerartitsinissamik isumaqatigiissutaasimasut atuussinnaatitaanngillat.

§ 75. Suliassaqtitsinermit ministerip naalagaaffiit allat isumaqatigiissuteqarfigereerlugit, peqqussummi aalajangersakkat imaluunniit naalagaaffiup allap taassuma tamakkununga inatsisaataasa pissutsinut peqqussummi aalajangersarneqartunut qanoq annertutigisumik atuutsinneqarnissaat pillugu maleruagassat aalajangersarsinnaavai.

*Imm. 2.* Sulinermit inuussutissarsiuteqartut il.il. isumaginninnikkut isumannaallisaavigineqarnerat pillugu De Europæiske Fællesskabit peqqussutaat atorpeqartariaqartillugit, peqqussummi maleruagassanik sanioqqutitsisinnaaneq pillugu aalajangersakkat suliassaqtitsinermit ministerip aalajangersassavai.

§ 76. Sulisillutik ajoqusersimasunik Sullissiviup sulisui, matumani aamma nakorsat siunnersortigisagai, sillimmasiisarfinni imaluunniit Arbejdsmarkedets Erhvervssygdomssikringimi atorfeqartuusinnaanatuunniit siulersuisooqataasinnaanngillat.

§ 77. Sulisillutik ajoqusersimasunik Sullissivik qinnuigineqarnermigut, aammalu inatsimmi matumani aalajangersakkanik atuilluni, inunnik ajoqusiinermit tunngasutigut apeqqutit inatsimmi pineqanngitsut pillugit oqaaseqaateqartarsinnaavoq. Sulisillutik ajoqusersimasunik Sullissivik taamatuttaaq taarsiissutissat pillugit akisussaassuseqarnermik inatsisip Kalaallit Nunaanni atuutilersinnekarnanik peqqussummi § 10 naapertorlugu oqaaseqaateqartarsinnaavoq.

*Imm. 2.* Oqaaseqaatinut taamaattunut akiliummik Arbejdsskadestyrelsip pisortaata annertussusiliqaanik akiliuteqartoqartassaaq.

§ 78. Sulisitsisoq isumannaarinninnissamut pisussaatitaasoq sillimmasiinngitsoq imaluunniit Arbejdsmarkedets Erhvervssygdomssikringimut ilanngutinngitsoq akiliisussanngortitaassaaq.

*Imm. 2.* Sulisitsisoq isumannaarinninnissamut pisussaataaasoq sillimmasiinermik atuutsitsingitsoq imaluunniit Arbejdsmarkedets Erhvervssygdomssikringimut akiliutissanik akiliinngitsoq akiliisussannngortitaassaaq.

*Imm. 3.* Sulisitsisoq isumannaarinninnissamut pisussaataaasoq sulisilluni ajoqusernermik piffissaagallartillugu nalunaaruteqanngitsoq imaluunniit sulisilluni ajoquserneq nalunaarutigineqarsimasoq pillugu paasissutisseeqataajumangitsoq, tak. kapitali 7, akiliisussannngortitaassaaq.

*Imm. 4.* Unioqqutitsinerit aktieselskabinit, andelsselskabinit, anpartsselskabinit assigisaannilluunniit unioqqutitsinerusut selskabimut namminerimut akiliisitsissutaasinnaapput.

*Imm. 5.* Unioqqutitsineq naalagaaffimmit, Namminersornerullutik Oqartussanit, kommunimit kommunilluunniit suleqatigiiffianit unioqqutitsineruppat naalagaaffik, Namminersornerullutik Oqartussat, kommuni kommunilluunniit suleqatigiiffiat akiliisitaanissamut akisussaaffilerneqarsinnaavoq.

## Kapitali 12

### *Aalajangersakkat atuutilersitsissutaasut ikaarsaarutaasullu*

**§ 79.** Peqqussut atuutilissaaq ulloq 1. januar 2009.

*Imm. 2.* Peqqussut atuutsinneqassaaq

- 1) sulisilluni ajoqusernerimut ulloq 1. januar 2009-mi taassumaluunniit kingorna pisunut, aamma
- 2) inuussutissarsiornermi nappaatigilikkanut ulloq 1. januar 2009-mi taassumaluunniit kingorna nalunaarutigineqartunut.

*Imm. 3.* Inuit § 55, imm. 2 naapertorlugu isumannaariffigineqartut pineqartillugit peqqussummi aalajangersakkat taamaallaat atuutsinneqassapput sunnerneqarnernut ulloq 1. januar 2009-mi taassumaluunniit kingorna pisunut. Ajoquserneq inatsisit siusinnerusukkat atuuttut naapertorlugit ulloq taanna sioqqullugu isumannaariffigineqarsimappat piffissat pineqartup isumannaariffigineqarsimani ilanngunneqassapput.

*Imm. 4.* Peqqussutip matuma atuutilernera ilutigalugu Kalaallit Nunaanni sulisilluni ajoqusernerit kingunerisassaannut isumannaarineq pillugu inatsisip atuutilersinneqarneranik peqqussut nr. 273, 24. april 2001-imeersoq atorunnaarsinneqassaaq.

*Imm. 5.* Peqqussut, tak. imm. 4, suli makkununga atuutissaaq

- 1) ajoqusernerimut, kivitsinerliornikkut tassangaannartumik ajoqusernerimut aamma ajoqusiisinnasunit sivikitsumik sunnertinnernut 1. januar 2009 sioqqullugu pisimasunut, aamma
- 2) inuussutissarsiornermi nappaatigilikkanut 1. januar 2009 sioqqullugu nalunaarutigineqarsimasunut.

*Imm. 6.* Suliassani imm. 5-imi pineqartuni makku pineqartillugit peqqussummi matumani § 31, imm. 3, §§-it 34, 46, 51 atorneqassapput, tassa peqqussummi nr. 273, 24. april 2001-imeersumi §§-inut 45-mut, 49, imm. 4-mut, 65-imut aamma 66-imut taarsiullugit.

*Imm. 7.* Peqqussutip atuutilerneratigut aningaasat §§-ini 23-mi, 24-mi aamma 29, imm. 3-mi, 4-mi aamma 5-imi allassimasut § 30 naapertorlugu iluarsivigineqassapput. Arbejdsskadestyrelsip pisor-taata nalunaarutigissavaa naleqqussaanerit suut pissanersut.

**§ 80.** Ajoqusernissamut sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik erniat, tak. peqqussut nr. 42, 2. februar 1962-imeersoq, tungaviumsumik erniat 1. april 1984-imi atuuttut, tak. peqqussummi nr. 103, 19. marts 1984-imeersumi § 44 B, 183,0 pct.-iannut qaffanneqassapput 1. januar 2009-miit atuutilersumik.

*Imm. 2.* Ajoqusernerit 1. januar 1980-ip aamma 31. marts 1984-ip akornanni pisimasut kingunerisaannik, sulisilluni ajoqusernissamut sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 558, 28. december 1979-imeersoq, tunngaviusumik tunniunneqartartut 1. april 1984-imi atuuttut, tak. peqqussut nr. 103, 19. marts 1984-imeersumi § 44 A, 183,0 pct.-iannut qaffanneqassapput 1. januar 2009-miit atuutilersumik.

*Imm. 3.* Ajoqusernerit 1. april 1984-ip aamma 31. marts 1988-ip akornanni pisimasut kingunerisaannik, sulisilluni ajoqusernissamut sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 558, 28. december 1979-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 4.* Sulisilluni ajoqusernissamut sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 145, 16. marts 1988-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 5.* Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atuutilersinneqarneranik peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 818, 11. september 1996-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 6.* Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atuutilersinneqarneranik peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 273, 24. april 2001-imeersoq, ingerlaavartumik tunniunneqartartut tunngaviusumik akissarsianut naapertuuttut 183,0 pct.-iannut qaffanneqassapput 1. januar 2009-miit atuutilersumik.

*Imm. 7.* Ullormusiat, erniat aamma ingerlaavartumik tunniunneqartartut, tak. imm. 1-imiit 6-imut, peqqussut nr. matumani § 30 naapertorlugu iluarsivigineqassapput 1. januar 2009-miit atuutilersumik.

*Imm. 8.* Imm. 1 sillimmasiinernut, ajunaarnissamut sillimmasiisarneq pillugu peqqussut nr. §§-it 55 aamma 59, imm. 1 naapertorlugit sillimmasiissutaasimasunut atuutinngilaq.

**§ 81.** Nalunaarutit peqqussutit maanna atorunnaarsinneqartut naapertorlugit aalajangersarneqarsimasut atorunnaarsinneqarsertlutik allanngortinneqarsertlutilluunniit atuutiinnassapput.

**§ 82.** Isumannaarinnissamut pisussaataasup akiliutissap qaffanneqarnera, peqqussutit matuma kingunerisaanik aningaasartuutit qaffannerinnaannik pissuteqartoq, pissutigalugu sillimmasiineq atorunnaarsinniarsinnaanngilaa.

*Tunniunneqarpoq Amalienborg-imi, ulloq 3. oktober 2008.*

Dronningip Aqqani:  
FREDERIK  
Kunngissaq

/Claus Hjort Frederiksen